

摘藻堂四庫全書薈要

史部

欽定四庫全書薈要卷九千二百九十四

史部

通典卷一百七十六

唐 京兆 杜佑 君卿 纂

州郡六

古梁州下

今置郡府三十七縣一百六十

通義眉五縣

通義

彭山

洪雅

青神

丹稜

和義榮六縣

旭川

威遠

公井

應靈

資官

和義

資陽資八縣

盤石

資陽

內江

丹山

龍水

月山

銀山

清溪

南溪 戎 五縣 南溪 義賓 欽道 開邊 歸順

河池 鳳 四縣 梁泉 兩當 河池 黃花

武都 武 三縣 將利 覆津 盤堤

同谷 成 三縣 上祿 長道 同谷

順政 興 三縣 順政 長舉 鳴水

懷道 宕 二縣 懷道 良恭

同昌 扶 四縣 同昌 帖夷 尚安 鉗川

陰平 文 二縣 曲水 長松

油江龍二縣 油江 清川

交川松三縣 嘉誠 交川 平康

合川疊二縣 合川 常芬

益昌利六縣 綿谷 允山 嘉川 葭萌 景谷 益昌

普安劍八縣 普安 劍門 武連 陰平 梓潼 黃安

巴西綿九縣 巴西 龍安 涪城 昌明 魏城 羅江

梓潼梓八縣 鄭 射洪 通泉 永泰 鹽亭 飛鳥

遂寧遂五縣 方義 長江 蓬溪 青石 遂寧

蜀郡益十縣

成都

雙流

廣都

新都

犀浦

靈池

新

德陽漢五縣

雒

什邡

綿竹

德陽

金堂

濠陽彭四縣

九隴

導江

濠陽

唐昌

唐安蜀四縣

晉原

青城

新津

唐安

臨邛印七縣

臨邛

安仁

大邑

依政

蒲江

廬山雅五縣

嚴道

百丈

廬山

榮經

漢源

通化茂四縣

汶山

石泉

汶川

通化

臨翼四縣

衛山

鷄川

翼水

昭德

江源當三縣通軌和利谷和

歸誠悉二縣左封歸誠

靜川靜二縣悉唐靜川

蓬山柘二縣柘喬珠

恭化恭三縣和集博恭烈山

維川維三縣薛城定廣小封

雲山奉一縣定康

越雋雋七縣越雋昆明蘇祁邛部會川
臺登西瀘

雲南 姚 三縣 姚城 長明 瀘南

洪源 黎 三縣 洪源 飛越 通望

通義郡 東至仁壽郡八十里南至捷為郡一百三十里西至臨邛郡二百里北至唐安郡二百里東南

到仁壽郡百里西南到廬山郡三百九十里西北到臨邛郡一百六十里東北到仁壽郡籍縣百十里去

西京二千五百五十里去東京三千二百八十里戶四萬四千六百四十四口一十七萬五千四百

眉州 今理通 義縣 漢屬犍為郡地後漢及晉皆因之宋齊亦

然梁置齊通郡及青州西魏改青州為眉州 因義嶺山為名 隋

煬帝以其地入眉山郡大唐復置眉州或為通義郡領

縣五

通義

彭山

漢武陽縣地有彭山已聚即岑彭死處

洪雅

青神

在縣

青衣江西後周置郡

丹稜

和義郡

東至巴西西郡四百九十里南至犍為郡三百里西至南溪郡四百里北至仁壽郡二百六十里

東南到瀘川郡四百一十里西南到犍為郡六十里西北到仁壽郡三百三十里東北到資陽郡界二百一十九里去西京二千九百一十里去東京三千七百四十里戶五千一百九十九口一萬六千四百九十

榮州

今理旭川縣

漢屬犍為郡後漢晉宋皆因之齊置南安

郡隋屬資陽郡大唐置榮州

因榮德山為名

或為和義郡領縣

六 旭川

漢南安縣地隋置大牢縣貞觀初改之

威遠

公井

應靈

資官

和義

隋置

資陽郡

東至巴川郡五百六十五里南至和義郡一百六十里西至仁壽郡二百三十里北至安岳郡

三百七十里東南到和義郡界一百四十里西南到

仁壽郡二百六十里西北到陽安郡界二百二十里

東北到安岳郡安岳縣三百三十里去西京二千六

百六十里去東京三千五百一十一里戶二萬八千

五百一十四口九

萬六百六十二

資州

今理盤石縣

漢屬犍為郡後漢晉宋齊並同西魏置資

州

州城今在西北陽安縣界

後周置資中郡隋煬帝初置資陽郡大

唐為資州或為資陽郡領縣八 盤石 資陽有天合山內

江 丹山 龍水 月山 銀山 清溪並漢資中縣地

南溪郡東至瀘川郡三百五十里南至南溪郡胡門生獠界三百二十里西至犍為郡玉津界二百二

十里北至和義郡二百八十一里東南到瀘川郡三

百五十里西南到羈縻協州四百一十里西北到犍

為郡龍游縣三百五十里東北到和義郡旭川縣四

百里去西京三千四百四十里去東京四千四百里

戶四千三十九口一

萬三千七百七十

戎州今理犍道縣 故犍侯國漢屬犍為郡後漢晉宋齊皆因

之梁置六同郡及戎州隋置犍為郡大唐為戎州或為

南溪郡領縣五

南溪

有青衣水又黑水
自北南流經於此

義賓

棘道

秦時破滇通五尺道漢開蜀故徼使唐
蒙發蜀卒理道自棘道抵牂牁即此

開邊

歸順貞

中獠歸復因置縣

並漢棘道縣地

河池郡

東至扶風郡四百里南至漢中郡三百九十五
里西至同谷郡四百五十里北至汧陽郡四百

三十里東南到漢中郡褒城界二百七十里西南到
順政郡長舉縣界一百九十里西北到天水郡上邽

縣五百三十二里東北到扶風郡陳倉縣界一百四
十里去西京五百九十里去東京一千四百五十三

里戶五千七百七十口
二萬五千五百二十

鳳州

今理梁泉縣

春秋氏羌之所居秦屬隴西郡兩漢屬武

都郡晉因之惠帝時沒於楊茂搜後魏置固道郡兼置

南岐州後周廢郡置鳳州隋煬帝初廢州置河池郡大

唐為鳳州或為河池郡領縣四 梁泉漢故道縣地後魏置今縣兩

當漢故道縣地後魏置兩當郡河池漢舊縣一名仇池因山水為名黃花有黃花川為名

武都郡東至同谷郡三百三十里南至陰平郡二百五十里西至懷道郡二百七十里北至同谷郡四

百二十里東南到陰平郡曲水縣三百五十里西南到同昌郡三百二十里西北到懷道郡良恭縣二百

六十里東北到同谷郡同谷縣三百四十里去西京一千二百里去東京一千八百五十里戶二千九百

三十口一萬四千八百五十

武州

今理將利縣

古白馬氏之國西戎之別種也天池大澤

在其西漢武帝置武都郡後漢因之蜀後主時得之

建興

七年為諸葛亮所定

晉為武都郡後沒於楊茂搜後魏亦為武都

郡西魏置武州後周亦為武都郡隋初郡廢煬帝又置

武都郡大唐為武州或為武都郡領縣三將利覆

津

後魏置武衛郡仍置覆津縣

盤堤

漢河池縣地後魏置縣

同谷郡

東至河池郡四百五十里南至武都郡三百三十里西至懷道郡五百八十里北至天水郡四

百三十里東南到順政郡三百四十里西南到武都郡三百四十里西北到隴西郡三百八十里東北到

天水郡三百里去西京一千三十里去東京一千八
百里戶四千七百二十二口一萬九千六百九十

成州

今理上
祿縣

古白馬氏國二漢屬武都郡晉置仇池郡

後沒於楊茂搜等後魏又曰武都郡兼置南秦州西魏
改為成州隋初郡廢煬帝初置漢陽郡大唐為成州或

為同谷郡領縣三

上祿

漢舊縣有仇池山晉永嘉末
為楊茂搜所據其土地百頃

四方壁立峭絕險固自然有樓櫓却敵之狀東西二門
盤道可七里上有岡阜泉源在於上立宮室困倉皆為
板屋土墻所長道漢上祿縣地有祁山上有城極高嚴
理處名洛谷因其山九州之名阻蜀後主建興六
年諸葛亮攻同谷漢下辨縣舊
魏軍不拔名武街城

順政郡

東至漢中郡二百四十里南至益昌郡五百四十九里西至同谷郡三百四十里北至河池郡

三百五十里東南到漢中郡南鄭縣二百八十七里

西南到武都郡覆津縣界二百里西北到同谷郡三

百四十里東北到河池郡河池縣界一百五十里去

西京九百三十五里去東京一千七百十里戶一千

九百七十九口一

萬九百六十五

興州

今理順政縣

戰國時為白馬氏之東境二漢屬武都郡

晉惠帝時亦為楊茂搜所據其後為梁所破置武興蕃

王國後魏置東益州西魏改為興州兼置順政郡隋初

郡廢煬帝初復置大唐為興州或為順政郡領縣三

順政 漢沮縣地後魏置畧陽縣汜水發源於此一名沮水有小丙山有穴方員二尺餘有水潛流穴口面

丙因以為名左思蜀都賦所謂嘉魚出於丙穴長舉 西魏置槃頭郡有通溪鳴水 西魏置落叢郡

懷道郡 東至武都郡二百七十里南至同昌郡四百一十

里西至合川郡二百四十里北至和政郡二百一十五里東南到闕里西北到和政郡二百

五十里東北到同谷郡上祿縣三百二十里去西京一千四百七十里去東京二千二百八十里戶一千

二百六十口七千四十

宕州 今理懷道縣秦漢以來為諸羌之地後魏始封為

蕃國後周置宕昌國武帝置宕州隋置宕昌郡大唐為

宕州或為懷道郡領縣二

懷道

後周置

良恭

亦周置隋改

之

同昌郡

東至武都郡三百二十里南至油江郡六百里西至交川郡三百三十里北至懷道郡四百一

十里東南到陰平郡一百六十里西南到交川郡三

百里西北到故芳州三百二十里東北到武都郡三

百二十里去西京一千六百一十里去東京二千

四百里户二千三百二十口一萬三千七百七

扶州

今理同昌縣

歷代西戎之地西魏逐吐谷渾於此置鄧

州及鄧寧郡隋初改曰扶州又改曰同昌郡大唐因之

或為同昌郡領縣四

同昌

帖夷

尚安

有黑水東南流入白

水 鉗川

陰平郡

東至益昌郡四百九十里南至油江郡五百二十里西至同昌郡一百六十里北至武都郡二

百五十里東南到益昌郡四百九十里西南到同昌

郡同昌縣三百一十里西北到同昌郡一百六十里

東北到武都盤堤一百里去西京一千四百五十里

去東京二千九十里戶一千六百七十口八萬四千

八十

五

文州

今理曲水縣

古氐羌之境漢開西南夷置陰平道屬廣

漢郡後漢因之蜀亦得之

後主建興七年諸葛亮定之其後鍾會伐蜀姜維表請備

陰平橋頭後主不從

鄧艾自陰平景谷步道懸兵束馬逕油江出

綿竹以滅蜀即此是也晉置陰平郡永嘉末沒於楊茂
搜西魏平定始置文州及盧北郡隋廢為縣併屬武都
郡大唐復置文州或為陰平郡領縣二 曲水 長松

油江郡

東至益昌郡四百里南至巴西郡三百五十里
西至交川郡三百三十里北至陰平郡三百三

十里東南到普安郡二百九十里西南到通化郡三
百二十里西北到同昌郡六百里東北到益昌郡四
百里去西京二千一百六十里去東京三
千一十五里戶九百二十口五千二百

龍州

今理油
江縣

漢及魏為無人之境晉得之屬陰平郡宋

齊皆因之後魏置油江郡西魏置龍州隋初郡廢煬帝

初州廢置平武郡大唐為龍州或為油江郡領縣二

油江

有石門山與氏分界蜀都賦曰緣以劔閣阻

清川

交川郡

東至同昌郡三百三十里南至臨翼郡一百八里北至吐蕃界九

十里東南到通化郡三百里西南到江源郡三百里西北到吐蕃界五十里東北到同昌郡三百里去西京二千二百五十里去東京三千五十里戶一千五百五十口五千六百五十

松州

今理嘉誠縣

歷代諸羌之域晉屬汶山郡宋齊亦得之

後為西魏後周所有隋屬汶山同昌二郡大唐武德元

年置松州或為交川郡領縣三

嘉誠

有甘松嶺江交

川平康

合川郡

東至懷道郡二百四十里南至吐蕃界三十里西至吐蕃界九十里北至臨洮郡一百八十里

東南到同昌郡三百四十里西南到吐蕃界七十里

西北到吐蕃界七十里東北到利政郡四百三十里

去西京一千七百六十里去東京二千五百六十

十里戶一千三百一十口七千四百一十五

疊州

今理合川縣

歷代羌戎之境後周逐諸戎而有其地置

五香郡後置疊州隋屬同昌郡大唐為疊州或為合川

郡領縣二 合川 常芬

益昌郡

東至符陽郡三百里南至閬中郡二百八十里西至油江郡四百里北至漢中郡四百三十里

東南到閬中郡三百里西南到普安郡三百里西北到陰平郡四百九十里東北到漢中郡五百里去西京一千三百四十里去東京二千一百九十里戶一萬三千九百一十口四萬四千六百

利州

今理綿谷縣

春秋戰國時為蜀侯國

自益昌之西南至蜀川悉為蜀侯國

之地此蓋蜀之北境

秦滅蜀其地入蜀郡二漢屬廣漢郡蜀先主

分屬梓潼郡晉屬晉壽郡宋齊因之後魏立益州世號

為小益州梁曰黎州西魏復曰益州尋改為利州後周

亦為晉壽郡隋初郡廢煬帝初置義城郡大唐為利州

或為益昌郡領縣六

綿谷

漢葭萌縣地東晉置興安縣隋改之

嘉川

漢葭

萌縣地宋置興安縣後魏改之漢舊縣地後魏置新巴郡景谷漢白水縣地宋

之益昌古劔閣道秦使司馬錯伐蜀所允山曰平興縣隋改

普安郡東至益昌郡二百里南至梓潼郡三百六十里西至巴西郡二百里北至益昌郡一百六十里

東南到閬中郡三百里西南到巴西郡二百八十里西北到油江郡二百九十里東北到益昌郡三百里

去西京一千六百六十里去東京二千六十里戶二萬二千六百七十口九萬一千六百八十

劔州今理普安縣秦屬蜀郡漢屬廣漢郡後漢因之晉屬梓

潼郡宋齊亦然梁置南梁州後改為安州西魏改為始

州兼置普安郡隋初郡廢煬帝初復置大唐為始州後

改為劔州或為普安郡領縣八

普安

漢梓潼縣地

武連

宋置

武功縣後魏改之

陰平

宋置陰平郡魏置龍州隋廢

梓潼

西魏置潼川郡隋為梓潼縣有五婦

山拔蛇山

黃安

舊曰華陽劔門有梁山亦曰大劔山有姜維拒鍾會故壘大劔水有劔閣即張載作

銘 所臨津 永歸

巴西郡

東至普安郡二百里南至梓潼郡一百三十里西至通化郡四百里北至油江郡二百五十里

東南到梓潼郡一百三十里西南到德陽郡一百八十里西北到油江郡二百五十里東北到普安郡二百八十里去西京二千五百里去東京二千八百五十里戶二萬二千三百七十口一十六萬八千

綿州

今理巴西縣

秦屬蜀郡漢屬廣漢郡蓋涪水之所經焉

晉屬梓潼郡宋齊亦屬梓潼郡西魏兼置潼州隋初郡廢改潼州為綿州煬帝初州廢置金山郡大唐為綿州

或為巴西郡

今郡城即漢涪城縣東也在成都東北之要蜀時大將常鎮之領縣九

巴西

涪城

東晉兼置始平郡隋改之昔後漢吳漢入蜀其裨將臧官拔涪城斬公孫恢即此

昌明

有康水讓水

魏城

羅江

龍安

松嶺關在縣西北百七十里

神泉

西昌 鹽泉

梓潼郡

東至南充郡二百五十里南至安岳郡三百四十里西至德陽郡二百二十里北至普安郡三

百六十里東南到遂寧郡二百五十里西南到陽安郡一百八十里西北到巴西郡一百三十里東北到

閩中郡三百一十五里去西京二千九十里去東京二千九百三十里戶五千五百口二十萬三千

十一

梓州

今理鄭縣

秦屬蜀郡二漢屬廣漢巴西二郡地晉宋齊

並屬廣漢郡梁末置新州西魏兼置昌城郡隋初郡廢

改新州為梓州煬帝初州廢置新城郡大唐為梓州或

為梓潼郡

郡城左帶涪水右挾中江居水陸之衝要

領縣八

鄣

漢舊縣故城在西南

射洪通泉

漢廣漢縣地

鹽亭

飛鳥

因山為名

元武

晉五城縣

銅山

永泰

漢充國縣

遂寧郡

東至南充郡一百七十里南至巴川郡三百八
十里西至安岳郡一百六十里北至梓潼郡二

百五十里東南到巴川郡三百八十里西南到安岳

郡一百四十里西北到梓潼郡二百五十里東北到

南充郡一百七十里去西京二千三百三十里去東

京三千一百六十里戶三萬四千一百八十二口九

萬六千八

百六十五

遂州

今理方義縣

秦屬蜀郡漢屬廣漢郡後漢及晉並同宋

為遂寧郡齊梁置東遂寧郡後周置遂州及興西郡隋

初郡廢煬帝初置遂寧郡大唐為遂州或為遂寧郡領

縣五

方義

漢廣漢縣地

長江

蓬溪

青石

晉宋曰晉興後魏曰始興

隋改
之
遂寧

蜀郡

東至陽安郡七十里南至仁壽郡二百里西至濠陽郡導江縣界七十里北至德陽郡一百里東南

到陽安郡一百五十里西南到唐安郡一百二十里西北到濠陽郡九隴縣界七十里東北到德陽郡一百里去西京二千三百七十二里去東京三千二百一十里戶一十五萬六千八百一十二口八十五萬一千三百一十

益州

今理成都
蜀二縣

秦置蜀郡兩漢因之王莽末公孫述後

漢末劉備西晉末李特東晉末譙縱並都於此

公孫述為後漢

吳漢平之蜀後主劉禪為魏將鄧艾平之李特為晉將桓溫平之譙縱為朱齡石平之簡文時為苻堅所沒尋

復初晉武帝改為成都國尋亦復舊宋齊並為蜀郡自

魏晉宋齊梁皆為益州

晉初領郡八東晉領郡二十九宋齊梁並同皆理於此

梁

置始康郡西魏廢之後周置蜀郡隋初廢煬帝初復置

大唐為益州或為蜀郡

武擔山在郡西古蜀王妃死使五丁就武都擔土於此堊遂為

名領縣十

成都

漢舊縣有錦城錦江萬里橋亦曰市橋在縣西南盤古祠

蜀

貞元中割

成都縣置郫音皮焉貢江沱在其西

新都

漢舊縣故城在今縣東

温

江新繁

有繁

雙流

漢廣都縣

廣都

漢舊地

犀浦

靈池

德陽郡

東至梓潼郡二百二十里南至蜀郡一百里西至濛陽郡七十里北至巴西郡百八十里東南

到陽安郡金水縣界六十里西南到蜀郡一百里西
北到濠陽郡九隴縣界六十里東北到巴西郡百八
十里去西京二千二百里去東京三千一百一十
里戶六萬一千三百七十口三十六萬四千二百

漢州

今理雒縣

秦屬蜀郡漢屬廣漢郡後漢因之而兼置益

州

領郡國十
二理於此

晉置新都郡宋齊為廣漢郡隋併入蜀郡

大唐因之垂拱二年分雒縣置漢州或為德陽郡

益州有三

蜀廣漢是其一領縣五

雒

漢舊縣西北有白馬羌又有隴故城在今縣南又有嚴君平卜臺

什邡

漢什邡縣雍齒所封

綿竹

漢舊縣故城在今縣東又舊置晉熙郡紫巖山綿水所出

德陽

魏將鄧艾破蜀將諸葛瞻於此因為京觀

金堂

濠陽郡

東至德陽郡七十里南至蜀郡一百五里西至通化郡三百七十里北至德陽郡什邡縣六十

里東南到蜀郡新繁縣三十里西南到廣安郡青城

縣七十里西北到通化郡汶川縣二百七十里東北

到德陽郡什邡縣七十里去西京二千三百三十里

去東京三千一百六十里戶五萬五千八百一十六

口三十一萬八

千五百一十八

彭州

今理九隴縣

秦二漢屬蜀郡晉以後為蜀遂寧二郡地

梁置東益州後周廢州置九隴郡隋初郡廢後置濠州

煬帝初州廢併其地入蜀郡大唐因之垂拱二年分九

隴縣置彭州或為濠陽郡領縣四

九隴

漢新繁縣有白鹿山導

江 有汶山有玉壘山灌口山西有天彭關兩石對立如
闕秦以李冰為蜀守冰壅江作壩以灌田人大獲其

利有蠶崖關灌 濠陽 在濠 唐昌 有九隴山其山連岫盤
口鎮瑚補恒反 紆凡有九隴禹貢云岷

山導江東別為

沱沱水在此

唐安郡 東至蜀郡一百里南至臨邛郡一百一十里西
至青城山八十里吐蕃界不通北至濠陽郡導

江縣界四十五里東南到通義郡二百里西南到臨

邛郡一百里西北到濠陽郡一百里東北到蜀郡一

百里去西京二千四百八十里去東京三千一百七

十里戶五萬五千二百九十口三十四萬三千一百

蜀州 今理晉 秦二漢屬蜀郡晉初因之後置晉原郡宋

原縣

齊屬晉康郡後周廢之隋屬蜀郡大唐初因之垂拱二

年分晉原縣置蜀州或為唐安郡領縣四

晉原

有鶴鳴山

漢張道士隱處

青城

蕭齊置齊基郡後周改之有青城山

新津

後周置

唐安

臨邛郡

東至唐安郡一百一十里南至通義郡二百里西至夷界一百三十里以山為界以西無郡縣

相接亦無道路北至唐安郡一百一十里東南到通義郡一百六十里西南到廬山郡一百里東北到唐安郡百里西北到夷界一百二十里以山為界險阻更無郡縣去西京二千五百一十五里去東京三千三百七十里戶三萬八千八百七十五口一十八萬八百七十五

邛州

今理臨邛縣

秦漢並屬蜀郡

南有邛來山

後漢及晉皆因之

宋齊並屬晉康郡西魏置邛州後周置臨邛郡隋廢為

縣併入臨邛縣大唐復置邛州或為臨邛郡領縣七

臨邛

漢舊縣有火井

安仁

大邑

依政

蒲江

西魏置蒲原郡

臨溪

火井

廬山郡

東至臨邛郡二百里南至郡內嚴道縣界一百五里西至犍康羅巖州界三百八十里北至臨

邛郡安仁縣二百七十里東南到通義郡三百四十

里西南到洪源郡二百里西北到吐蕃野城界五百

七十里東北到臨邛郡二百里去西京二千七百二

十里去東京三千五百五十里戶九千四百八十八

口四萬七千

八百三十

雅州

今理嚴道縣

秦漢屬蜀郡晉初屬漢嘉郡永嘉後李雄

之時此地蕪廢西魏置蒙山郡隋初郡廢置雅州煬帝

初州廢置臨邛郡大唐為雅州或為廬山郡領縣五

嚴道

漢舊縣有蒙山禹貢云蔡蒙旅平謂此也

百丈

有邛來山本名邛旅邛水所出又有九折坂漢

王陽為益州刺史行部至此而迴

廬山

有靈山關外即夷獠界

榮經

漢源

通化郡

東至巴西郡四百二十里南至濛陽郡三百七十里西至維川郡二百二十里北至臨翼郡一百二十里

十里東南到德陽郡綿竹當郡汶山二縣界馬鞍山二十里西南到羈縻塗州三百七十里西北到臨翼

郡二百里東北到巴西郡龍安石泉二縣界松嶺關一百七十里去西京二千七百一十四里去東京三

千三百六十里東北取臨翼交川兩郡去東京三千五百六十四里南取蜀路去東京三千五百五十里

東北取臨翼交川兩郡去東京三千一百一
十里戶二千四百八十五口一萬三千二百

茂州

今理汶
山縣

禹貢岷山導江發跡於此本冉駝國

駝莫
江反

漢武帝開其地屬蜀郡後漢因之晉屬汶川郡宋齊皆

因之梁置繩州後周改為汶山郡隋初改汶州曰蜀州

尋改為會州煬帝初州廢置汶山郡大唐初為南會州

後改為茂州或為通化郡領縣四 汶山 石泉 漢岷
山縣

有岷
山

汶川

漢廣柔縣故城在西故桃
關公私經過唯此路繩橋

通化

臨翼郡

東至通化郡石泉縣八十里南至通化郡一百
二十里西至歸誠郡一百九十里北至交川郡

一百八十里東南到通化郡二百里西南到歸誠郡
一百五十里西北到通化郡利溪山為界八十里東
北到交川郡交川縣八十里去西京二千四百二十
里去東京三千二百七十里戶一千八百三十四口

九千一百九十

翼州

今理衛山縣

二漢屬蜀郡齊梁以上與茂州同後周屬

清江郡隋廢之以其地入汶山郡大唐為翼州或為臨

翼郡領縣四

衛山

鷄川

翼水

漢蠶陵縣故城在今縣西有蠶陵山

因以昭德為名

江源郡

東至臨翼郡二百七十里南至臨翼郡翼水縣
八十里西至關

里北至關

靜川歸誠二郡兩界西北到故通軌縣鎮二百里以
西即是生羌東北到交川郡三百里去西京三千一
百里去東京三千九百里戶一千九百一十口一萬
百四

當州

今理通軌縣

歷代諸羌地後周置覃州并覃川郡隋廢

其地入汶山郡大唐貞觀中置當州或為江源郡領縣

三通軌 和利 谷和

歸誠郡

東至臨翼郡一百九十里南至臨翼郡二百五
十里西至靜川郡六十里北至靜川郡八十里

東南到栖鷄川界一百里西南到臨翼郡界一百九
十里西北到江源郡關

郡一百五十里去西京二千九百六十四里去東京三千七百六十里戶八百七十八口三千八百六十

悉州

今理左封縣

大唐顯慶中割當州置悉州或為歸誠郡

領縣二

左封

歸誠

靜川郡

東至歸誠郡界六十里南至維川郡界一百三十里西至平戎城一百里北至江源郡界六十

里東南到臨翼郡嶺巖鎮一百四十里西南到恭化郡界六十里西北到蓬山郡界三十五里東北到江

源郡六十里去西京三千二十里去東京四千二十里戶一千六百一十五口七千六百一十

靜州

今理悉唐縣

土地與當州同大唐置靜州或為靜川郡

領縣二

悉唐

靜川

蓬山郡

東至靜川郡三十里南至維川郡三百里西至郡內長碕鎮九十里北至恭化郡栢嶺鎮八十

里東南到靜川郡界關

里西北到關

西南到關
東北到關

千九百里戶四百九十二千一百二十
去西京三千五百里去東京三

柘州

今理柘縣

土地與當州同大唐置柘州或為蓬山郡領

縣二 柘 喬珠

恭化郡

東至蓬山郡界三十五里南至維川郡二百三十里西至吐蕃白崖

鎮七十里東南到通化郡三百五十里西南到平戎城一百一十里西北到栢嶺鎮四十里東北到靜川

郡界關

東京三千九百五十里戶一千三百九十二口四千

一百四十五

恭州

今理和集縣

北接吐蕃土地與當州同大唐置恭州或

為恭化郡領縣三

和集

博恭

烈山

維川郡

東至羈縻塗州二百三十里南至江源郡界二百六十里西至歸誠郡二百五十里北至臨翼

郡界九十里東南到吐蕃界一百六十里西南到白狗嶺六十二里西北到羅厥橋一百三十里東北到通化郡二百二十里東取蜀郡去西京二千七百一十里去東京三千五百六十里戶二千六百口三千九百

維州

今理薛城縣

古羌夷地昔姜維北討汶山叛羌即其地

也隋置薛城戍大唐武德初於姜維故城置維州或為

維川郡領縣三 薛城 定廣 小封

雲山郡

東至維川郡風流嶺四十里南至吐蕃野城八
十里西至天寶軍一百三十里北至莫博大嶺

七十里東南到關

里西北到關

里西南到關

里東

北到關

東京三千六百里戶三百七十二口一千六百五十

二

奉州

今理定
廉縣

蠻夷之地南接吐蕃大唐開置奉州或為

雲山郡領縣一 定廉

越雋郡

東至千費生蠻二百三十里南至雲南郡界五百六十里西至唐迷生蠻六百六十里北至關

里東南到關

里西南到關

里西北到關

里東北到關

里去西

京三千五百七十里去東京四千四百一十里戶四

萬三千五百三十二口

一十五萬七千六十

雋州

今理越雋縣

故邛都國謂之西南夷

史記曰滇之君長十數邛都最大

漢武開之置越雋郡有雋水越水焉後漢晉宋皆因之

齊謂之獠郡

謂之越雋獠郡

後周置嚴州隋改曰西寧州後又

為雋州煬帝改為越雋郡大唐置雋州或為越雋郡領

縣七

越雋

漢都縣

昆明

漢定

蘇邗

漢舊

邛部

漢闌縣

會

川

有瀘水諸葛亮五月渡瀘即此

臺登

漢舊縣

西瀘

雲南郡

東至關

里西至關

里南至關

里北至關

南到關

里東南到關

里西北到關

里西

千九百里去東京關

里東北到關

里去西京四里戶三千七

百口

姚州

今理姚城縣

故滇王國漢武開之置益州郡有滇池澤

焉後漢分其地置永昌郡蜀置雲南郡

劉禪

晉因之兼

置寧州

領郡四
理於此

宋齊因之

領郡十五
亦理於此

並為建寧郡大唐

麟德元年於昆明之弄棟川置姚州

其人多姚姓武太
后神功二年蜀州

刺史張柬之上表請廢州隸
舊府具在邊防南蠻上篇中

或為雲南郡領縣三

姚

城

長明

瀘南

洪源郡

東去一里即至高山萬重更無郡縣南至越雋
郡六百一十里西至郡界廓清鎮百六十里北

至廬山郡二百四十里東南到粟蠻部落二百里西

南去郡一里高山萬重西北去郡五里高山萬重東

北去郡二里高山萬重去西京二千九百五十五里

去東京三千七百五十里戶六千八百五十口一萬

千七

黎州

今理洪源縣

漢沉黎郡之地宋齊以來並為沉黎郡後

周置黎州隋置登州煬帝初廢併其地入臨邛郡大唐

復置黎州或為洪源郡領縣三 洪源 飛越 通望

風俗

巴蜀之人少愁苦而輕易淫佚周初從武王勝殷

庸蜀羌髳

微盧彭濮人是也

東遷之後楚子強大而役屬之暨於戰國又


為秦有資其財力國以豐贍漢景帝時文翁為蜀郡守
建立學校自是蜀士學者比齊魯焉土肥沃無凶歲山

重復四塞險固王政微缺跋扈先起

公孫述劉備李雄
譙縱迭據之皆因

中原多事故一方之寄非親賢勿居

通典卷一百七十六



總校官庶吉士臣侍朝

校對官編脩臣莫瞻菴

謄錄監生臣沈姓

欽定四庫全書叢要

史部

通典卷一百七十七

八七

詳校官員外郎臣潘紹觀



欽定四庫全書蒼要卷九千二百九十五

史部

通典卷一百七十七

唐京兆杜佑君卿纂


州郡七

古荆河州 今置郡府十八縣一百三十六

河南府 洛 二十六縣 河南 洛陽 汜水 告成 登封 緱氏 密 温

伊闕 伊陽 壽安 福昌 永寧 澠池

王屋 河陽 新安 鞏 偃師 陸渾 陽

翟 濟源 潁陽 河陰 河清 長水

陝

陝

五縣

陝

硤石

平陸

芮城

靈寶

弘農

號

六縣

弘農

閿鄉

湖城

盧氏

玉城

臨汝

汝

七縣

梁

郟城

葉

魯山

龍興

臨

滎陽

鄭

七縣

管城

滎陽

中牟

新鄭

滎澤

陳留

汴

六縣

開封

浚儀

陳留

雍丘

封丘

睢陽

宋

十縣

宋城

襄邑

楚丘

柘城

虞城

山

寧陵

單父

穀熟

下邑

碭

譙郡

亳

八縣

譙

臨渙

永城

鄆

真源

鹿

邑

城父

蒙城

濟陰

曹

六縣

濟陰 乘氏

成武

寃句

考城

南華

潁川

許

六縣

長社 扶溝

鄆陵

長葛

臨潁

許昌

淮陽

陳

六縣

宛丘 澠水

項城

南頓

西華

太康

汝陰

潁

四縣

汝陰 下蔡

潁上

沈丘

汝南

荆

十一縣

汝陽 平

上蔡

平輿

郟城

西

褒信

新蔡

淮安

唐

七縣

比陽 桐柏

慈丘

泌陽

方城

湖陽 平氏

南陽

鄧

七縣

穰 新野

南陽

向城

內鄉

菊潭

武當均三縣 武當 鄭鄉 豐利

襄陽襄陽七縣襄陽 樂鄉 臨漢 南漳 穀城 宜城 義清

漢東隨四縣隨 棗陽 唐城 光化

古荊河州

禹貢曰荊河之州西南至荊山今襄陽郡南漳縣界北距河也伊洛瀍澗既

入于河伊出今河南府伊闕縣陸渾山洛出今上洛郡洛南縣冢嶺山瀍出今河南縣穀城山澗出澠

池縣山四水皆入河滎波既瀦滎本流水溢出在今滎陽郡滎澤縣也波亦水名言其水並以遇聚

也美一說謂滎水之波也今沈水不過河道荷澤被孟瀦荷澤在今魯郡方與縣孟瀦亦澤名

在今睢陽郡虞城縣卽孟渚澤也言荷澤水衍
溢則使被及孟渚不常入也道音導荷音柯
厥土惟

壤下土墳壚高地卽壤下地卽墳壚壚謂土
之剛黑者墳扶粉反壚音盧
浮于洛入

于河因洛入河舜為十二牧之一周禮職方河南曰荊河州

其山曰華卽今華陰郡山也連藪曰圃田在今滎陽
延東出故屬荊河州
川

曰滎雒滎卽滎澤洛卽洛浸曰波澆出黃山在今漢東
川今福昌縣界
郡棗陽縣界東北

又云波水出馭馬嶺卽應劭所謂孤山
在今臨汝郡魯山縣西北澆音庄亞反
其利麻漆絲枲

人二男三女畜宜六擾馬牛羊豕犬雞也謂之
擾者言人所馴養也
穀宜五

種黍稷稻菽麥荊河州在九州之中言常安逸也又云逸者

舒也言稟中和之氣性理安舒也其在天官柳七星張

則周之分野

漢之河南雒陽穀城平陰偃師鞏氏皆其分也今河南府之河南雒陽偃師東至

緱氏鞏縣南得伊闕地北至於河

房心則宋之分野

漢之沛梁濟陰皆其分也今睢陽譙

郡濟陰地也

觜騰參則魏之分野

漢之高陵以東及陳留汝南之名陵瀍強新汲西華

長平潁川之舞陽鄆許鄆陵河南之開封中牟陽武酸棗卷皆其分也今弘農郡之北境滎陽之東北境潁川之東境淮陽之北境汝南之北境并陳留郡地也

角亢氐則韓之分野

漢之南陽及潁

川之父城定陵襄城潁陽潁陰長社陽翟郊東接汝南西接弘農兼得新安宜陽皆其分也今陝郡之河南地河南府之西境南境東境滎陽臨汝潁川之西境漢東淮安南陽武當等郡也

兼得秦楚之交

漢之弘農故關以西今弘農郡之南境宜屬秦漢之汝南今汝陰汝南之南境淮陽之南境漢之南郡北境今

襄陽郡地並宜屬楚也秦分天下置郡為三川今河南府陝郡之河南地弘農臨汝

滎陽陳留等郡地是也碭今睢陽譙郡濟陰等郡地是也潁川今潁川淮陽汝陰汝南等郡地是也

南陽郡之東境北境今漢東淮安南陽武當等郡地是也南郡之北境今襄陽

陽漢武置十三州此為荊河州領郡國五其今河南府陝郡弘農之地則屬司

隸陳留濟陰之地則屬兗州也後漢為司隸理洛陽荊河州理於譙領郡國六譙今譙

郡是魏亦同理汝南安城今汝南吳房縣也晉分置司州領郡十一及

荊河州領郡國十理梁國項今淮陽郡項城縣也永嘉之亂荊河州沒於劉

石苻姚宋初有其南境置荊河州

領郡十理汝南郡卽今郡宋文帝永嘉中

全盛得之後失

後魏以後分裂不詳焉大唐分置十五部此為

都畿

河南府陝郡臨汝滎陽等郡

河南道

陳留睢陽濟陰譙郡潁川淮陽汝陰汝南等郡

兼

分入山東南道

淮安南陽襄陽漢東武當

及河東道

農

河南府

東至滎陽郡二百一十里南至臨汝郡一百八十里西至陝郡三百三十里北至高平郡二百

八十里東南到潁川郡三百二十里西南到弘農郡四百六十五里西北到絳郡五百里東北到河內郡

一百四十里去西京八百五十里戶一十九萬三千四百八十口百一十五萬七百八十

洛州

凡河北諸縣並冀州之域餘則荊河州之域今理河南洛陽二縣

蓋周之舊都昔

武王克殷定鼎於郊，鄆至成王營成周，卜澗水東，灋水

西而宅洛邑，是為王城。

郊，鄆陌名。漢孔安國云：王城今河南城。周靈王時，穀維鬪毀王

宮則左傳齊莊公遣師城郊是也。在今城之西。按此穀水本澗水，自後遂更名矣。經今城之苑中入於洛。又

於灋水東，卜亦吉。遷殷頑人居之。

孔安國云：將定下都，遷殷人，故并卜之也。

平王因犬戎之亂，自鄆鎬東遷而居王城，則東周之始

王也。至敬王與王子朝爭立，出奔晉。定公使魏舒率諸

侯之大夫會於狄泉，以其地本成周之城而居敬王。

按

今洛陽之城東三十餘里，故城是則周之下都也。有狄泉在城中，然而成周是王城下都之總號。故左氏傳曰：

葛弘云西王天棄之東王必大克時子朝居王城
故曰西王敬王居狄泉在王城之東故曰東王

至考

王封其弟桓公於河南以續周公之官職至孫惠公乃

封少子於鞏號東周惠公

按此時又別稱東周也

王赧立

赧尼板反

東

西周分理又徙都西周

則王城也

初平王時雒邑與宗周

宗周

鎬京也

通封畿東西長南北短長短相復為千里後為諸

侯所侵比周之亡七城而已

河南洛陽新城平陰偃師鞏緄氏也按七邑之境西

自今河南洛陽南自伊闕緄氏東得鞏縣北至於河

秦平天下置三川郡漢高帝

置河南郡

領縣十二

後漢改為河南尹

領縣二十

兼置司隸

領郡

七理於此魏晉郡因之兼置司州領縣十一後魏孝文自代

徙都之亦為河南尹至東西魏分有其地北齊為洛州

石季龍已為洛州

齊滅屬後周

當東西魏及齊周之時二境交爭攻戰邊鎮俱

在於隋初為洛州煬帝之初移都創制復曰荊河州尊

改為河南郡置尹大唐平偽鄭王充置洛州開元元年

改為河南府凡周漢魏晉後魏隋至於我唐並為帝都

周謂平王以下漢謂後漢晉謂西晉也今號為東京後改號東都按故都城自周

氏至隋大業以前常為都邑今都城即隋煬帝大業元年所築領縣二十六河南古

鄆地也是為王城又一云郊山名鄆邑名在縣西南也後漢為河南縣有闕塞山俗曰龍門有穀城山瀍水所出金谷梓澤並在東北其古穀城在縣西北北齊常山王演築川以拒周師又築孝水戍在縣西北其天津橋中橋石脚並長壽中**洛陽**古成周之地亦謂之周南漢中書侍郎李昭德造為縣魚豢曰漢火德火忌水光武去洛字水而加佳焉有邛山東北有盟津本孟地名都道所轄古今以為津武王會八百諸侯同於此盟故曰盟津後漢明帝陵在西北章帝陵在東南漢平陰縣城在縣北五十里白社里在故城建春門東其金墉城在故城西北**汜水**古東虢國為鄭滅之鄭為制邑左角魏明帝築也傳曰制巖邑也有故虎牢城昔周穆王獲虎命畜之故曰虎牢漢謂之成臯縣後漢置成臯關宋毛德祖戍虎牢後魏晝夜攻圍二百日方破其側有廣武城東魏武定中將陸子章又增築虎牢城後魏孝文帝置東中郎將府於此城中**告成**漢陽

城縣有箕山潁水測影臺漢輪氏縣故城在西南有鬼

谷卽鬼谷先生所居在今縣北武太后封中岳故改曰

告登封漢崇高縣大唐永徽中置嵩陽縣武太后改為

成登封縣有中岳嵩高山其神祠後魏移於岳東

南山下有少室山緱氏古滑國漢舊縣有緱氏山軒轅

嶠嶺故關五渡水坂縣西南公路澗上有表術固

四周絕澗甚險俗云光密古密國亦古鄩國左傳魯僖

祿澗栢谷塢在縣東北公六年圍新密是也漢舊縣

地有洧水鄩溫蘇忿生所封春秋伊闕有陸渾山伊水

水鄩古外反王畿內之邑也伊闕所出漢新城縣

地陸渾山伊陽後周置兵壽安有九曲城所謂九河也

在西南伊陽於此備齊壽安高齊置孔城防以備周

在今縣東南又有後漢八關城福昌後漢宜陽縣故韓

在縣東北函谷關都尉所理福昌城在今縣東劉盆

子降光武處魏尚書僕射杜君畿幽州刺史杜君恕墓

並在今縣北縣城卽魏之一金塢城東南北三面峭絕

天險後周重兵於此以備高永寧有三峭山蹇叔哭其
齊有金門山其竹可為律管子曰峭有二陵焉即
其所也在今縣西北又有回溪即馮異敗處在今縣東
北俗名回坑長四里濶二丈深二丈五尺自漢以前春
秋時道皆由此縣酈道元注水經云漢建安間曹公西
討巴漢惡南路之險更開北道自後行旅率多從之附
側路有石銘云晉太康三年弘農太守梁柳修復舊路
括地志云按文王所避風雨即東垣山也俗亦號為文
王山有夏后臯墓北可十里許其山南臨河陰漢末以
來移道更於嶺岑山南其山在夏后墓正南可五里公
更開北道即復春秋時路後周之初更復南移隋煬帝
大業三年廢武德初又通此道貞觀十四年又廢其道
西入縣界又東分為二道東南入福昌縣界北道東入
澠池縣界又有熊耳山劉盆子積甲之所又穀水所出
後周置黃櫨同軌永昌澠池有古東西俱利二城即秦
三城以備齊也櫨音盧昭王與趙惠文王會處蓋

云秦趙俱利也又有千秋亭
晉潘岳於此喪子有澗水也
王屋古召公之邑北齊置

齊子嶺周齊分境處後周置
王屋郡有王屋山沅水所出
河陽古孟津後亦曰富平

生之邑浮橋卽晉當陽侯杜元凱所立後魏莊帝時梁

將陳慶之來伐寇洛陽渡河守北中府城卽此孝文太

和中築之齊神武使潘樂鎮於此又使高永樂守南城

以備西魏並今城也其中潭城本東魏所築仍置河陽

關今縣西南十三里古遮馬隄卽後魏爾朱榮殺朝士

千三百餘人於新安縣東北一里有漢故函谷關其秦

此潭徒旱反

樓船將軍楊僕數有大功恥為關外人上書乞東關以

家財給其調度乃徙於新安後周改故函谷關城為通

洛防以備齊郭緣生述征記云新安縣漢之函谷關也

今猶謂之新關項羽坑秦卒於新安城南卽斯地魏明

帝景初元年河南尹盧延上言成臯函谷二里六十步
宜却函谷關於峭下弘農太守杜恕議以東徙潼關著
郡下省函谷關徙蒯闞盧氏縣下正始元年弘農太守
孟康上言移函谷關再號大峭關又為金闕地理志云
今按此關正鞏春秋時鞏國戰國時有東西周此即東
始元年廢也鞏周所居漢為縣也故小平縣城在縣西
北有津曰小平縣北又偃師帝嚳所都亦古亳邑也商
有五社渡一名五渡津偃師有三亳成湯居西亳此即
一也至盤庚又自河北徙理於此亳商家從此而改國
號曰殷有首陽山有尸鄉周武王伐紂迴師息戎遂名
偃師焉漢為縣晉當陽侯杜元凱墓在西北天寶七載
四月河南尹韋濟奏於偃師縣東山下開驛路通孝義
橋廢北坡陸渾故蠻國楚莊王伐陸渾之戎於此即蠻
義堂路也陸渾戎為一名耳有三塗山在縣西即左傳
云三塗之險也北齊立北陽翟禹所都也有禹山有鈞
荊州在東北故城是也

之饗是也亦春秋鄭之櫟邑有**濟源**周大夫蘇忿生原

荆山亦漢潁川郡地有陽關聚邑故城在今縣西

北漢軹縣地故城在今縣東南高齊拒周使斛律光築

闕於此沈水自王屋山頂崖下澄停不流至縣西二里

平地潛源重發名濟水東流經溫縣入河尚書云濟水

入於河溢為滎東出於陶丘北是也按後漢郡國志云

因王莽末旱此渠枯涸濟水但入河而已不復截流而

南而水經是和帝以後所撰乃云南過滎陽陽武封丘

寬句乘氏等縣並今縣地一依尚書禹貢舊道斯不詳

之甚酈道元又從而注之其所纂序及注解並大紕謬

已具雍州之**潁陽**漢輪氏縣地後魏改**河陰**三皇山亦

域西平郡篇曰臨武大唐復改之曰**敦鄆**山

上有三城卽是劉項相持處也開元二十三年分汜水

滎澤武陟三縣地於輪場東置以便運漕卽裴侍中耀

卿立其汴渠在縣南二百五十步坤元錄云亦名葭蕩

渠今名通濟渠首受黃河漢書有滎陽漕渠如淳曰今

礫溪口是也水經云河水又東過滎陽北茝蕩渠出焉
鄠道元注云大禹塞滎澤開渠以通淮泗後漢書云初
平帝時河汴決壞明帝永平中乃令王景理渠隄坤元
錄又云自宋武北征之後復皆湮塞隋煬帝大業元年
更令開導名通濟渠西通河洛南達江淮煬帝巡幸每
泛舟而往江都焉其交廣荆益揚越等州運漕商旅往
來不絕其汴口堰在縣西二十里又名梁公堰隋文帝
開皇七年使梁睿增築漢古堰遏河入汴也穀音教鄙
日交反
茝音浪
河清南臨黃河左傳云晉陰卽此漢為縣栢崖
故城在縣西卽東魏將侯景築其倉咸亨
中考功郎中
王本立置也
長水漢盧氏縣地後魏置南陝縣隋曰長
渾國家改焉土刻在縣西北二十五
里蓋古關之塞垣後周
以為鎮防剡楚板反

陝郡

東至河南府三百三十里南至河南府長水縣界
五十里西至弘農郡湖城縣界八十里北至絳郡

二百二十里東南到河南府永寧縣界九十里西南到弘農郡一百里西北到河東郡二百里東北到絳郡二百二十里去西京五百五十里去東京三百三十里戶三萬六百八十八口十六萬八千一百八十

陝州

凡河北諸州縣並冀州之域餘則荆河州之域今理陝縣

周公名公分陝之所

公羊云自陝以東周公主之自陝以西名公主之

春秋虢國之地所謂北虢也

虢仲國今平陸縣

戰國時屬韓秦屬三川郡漢屬弘農郡後漢

因之後魏置陝州及恒農郡後周又置陝州及崤郡

置兵

於此備齊

隋文帝時郡廢煬帝初州廢以其地屬河南郡後

置弘農宮大唐復為陝州

武德元年陝東道行臺金部郎中長孫操自陝州東引水

入城以代并或為陝郡領縣五陝又故虢國城在今縣東今郡西四十

五里有曹陽澗曹公改為好陽破石縣西有草原左傳澗北大陽橋貞觀中丘行恭造破石云神降於莘卽此

有底柱山大唐貞觀中太宗巡幸命魏徵勒銘見存平陸漢大陽縣有傅巖穴有

處吳山卽騏驎垂耳駕鹽芮城古芮國城在其西芮國車之所顛軫阪軫音令本在今馮翊郡馮翊縣

界魯桓三年芮伯萬為母姜氏所逐居於靈寶秦桃林魏卽此具左傳注亦古魏國為晉所滅縣漢弘

農縣地故秦函谷關在縣西南十二里漢武遷於新安靈寶秦桃林

大唐又置桃林縣開元末其地得天寶靈符因改元兼靈寶

改縣東北有桑田亭左傳靈寶虢公敗戎於桑田卽此也

弘農郡東至河南府四百六十里南至南陽郡七百里西至華陰郡二百三十里北至絳郡三百四十

里東南到臨汝郡五百一十里西南到上洛郡四百
里西北到河東郡一百七十里東北到陝郡一百里
去西京四百一十里去東京四百六十五里戶
萬七千七百四十五口八萬二千九百一十五

虢州

今理弘農縣

春秋時虢國地

北虢今陝郡平陸縣東虢在今滎陽縣西虢在今扶

風郡縣也

晉滅虢其地屬晉戰國時屬秦魏二國之境後屬

三川郡漢武置弘農郡後漢因之魏改為恒農

避獻帝諱晉

復為弘農郡後魏置西恒農郡後周廢之隋煬帝又置

弘農郡恭帝時改為鳳林郡大唐武德元年改為鼎州

八年廢鼎州置虢州其後或為弘農郡領縣六 弘農

秦桃林縣地漢弘農縣黃卷陌在縣西北二十里餘潘岳西征賦云愬黃卷以濟潼曹公故壘與韓遂相拒亦

在湖城

故曰胡漢武更為湖縣有荆山出美玉

盧氏

漢

縣有熊耳山尚書云導洛自熊耳即此山

玉城

朱陽

湖閩鄉

漢以湖閩鄉為戾園

臨汝郡

東至潁川郡一百八十里南至南陽郡四百九十里西至河南府伊闕縣又北至府一百八十

里北至河南府登封縣一百一十里東南到淮安郡四百二十里西南到弘農郡七百里西北到河南府伊闕縣界八十里東北到河南府陽翟縣一百七十里去西京九百八十里去東京一百五十里戶六萬四千八百九十口二十七萬六千八百七十九

汝州

今理梁縣

在周為王畿春秋時戎蠻子之邑亦楚鄭二

國之境七國時屬韓秦屬三川郡漢屬河南潁川二郡

地後漢因之魏晉屬河南舞陽二郡地後魏屬汝北郡

後周屬南襄城郡隋初置伊州煬帝初改為汝州後廢

州以其地分屬襄城潁川二郡大唐為汝州或為臨汝

郡漢廣成苑領縣七 梁漢舊縣戰國時謂之南梁以別大梁少梁也又有霍陽山

卽左傳哀公四年楚為一昔之期而襲梁及霍也有蠻
中聚卽戎蠻子國在今縣西南俗謂之麻城又漢光武
封姬常為周承休公故城在今縣東又有陽人聚故城
在今縣西秦滅東周徙其君於陽人聚卽此地也又孫
堅大破董卓軍之所又有漢霍陽縣因山為名俗謂之
張侯城亦在今郡之西南亦名王塢城亦名高齊汝北

郡以備周寇也葉古應國也漢父城縣地又本楚地楚葉公邑

又有昆陽城在今縣北二十五里即光武破王尋之所有古墓在東俗云王喬墓也魯山漢魯陽

魯陽關古遶角城在縣東南有漢犇縣故城在今縣東南後周置三鴉鎮在縣西南一十九里亦名平高城以

禦齊高齊則於縣東北一龍興臨汝襄城漢舊縣

十七里置魯城以禦周楚靈王所築又有古不羹城漢郊縣舊

在縣西南美音郎邾城曰龍山滎陽郡東至陳留郡一百四十四里南至潁川郡二百

獲嘉縣界黃河中流九十六里東南到陳留郡尉氏縣一百三十二里西南到河南府密縣一百七十里西

北到河內郡一百五十六里東北到靈昌郡二百八十四里去西京一千一百五里去東京二百六十里

戶七萬四千八百九十口
四十三萬四千三百六十

鄭州

今理管
城縣

古高辛氏火正祝融之墟周初封管叔於

此又曰虢郟之地鄭武公與平王東遷武公滅兩國而
遷都焉後鄭為韓所滅韓又徙都之其東境屬魏秦屬
三川郡漢屬河南郡後漢因之分置滎陽郡宋亦然後
魏為東恒農郡東魏置廣武郡後周置滎州後改為鄭
州隋置管州煬帝初復為鄭州尋廢州置滎陽郡大唐

因之領縣七

管城

古周初管國故郟城在縣南左傳
晉楚戰處僕射陂後魏孝文賜李

冲因為名也

郟陽

故號國所謂東號也秦置敖倉又有

京水索水楚漢戰於京索間是也京故

中牟

漢舊縣有

鄭邑在縣東左傳所謂京城太叔者也

河州藪也趙獻侯自耿徙此又趙襄子時佛肸以中牟

叛即此也北十二里有中牟臺是為官渡城即曹公袁

紹相持新鄭漢舊縣春秋時鄭國至韓哀侯滅鄭自平

於有熊亦在此榮澤禹貢濟水溢為榮即此今濟水不

也本鄆國之地復入榮也有敖山其地險固故王

宮城在今縣西北一十五里即左傳云晉文公勝楚後

至於衡雍作王宮於踐土今故城內東北隅有踐土臺

是也按春秋僖公二十八年四月晉侯敗楚師於城濮

五月盟諸侯於踐土公朝於王所注云踐土鄭地王在

踐土非京師陽武漢舊縣有博浪沙地名原武漢舊縣

故曰王所即張良擊秦皇之所故城在

今縣西漢卷縣
故城在縣東

陳留郡

東至睢陽郡三百里南至汝南郡五百里西至
滎陽郡一百四十里北至靈昌郡二百二十里

東南到睢陽郡三百一十八里西南到潁川郡二百

三十里西北到靈昌郡胙城縣八十里東北到濟陰

郡二百四十里去西京一千二百四十里去東京四

百里戶一十一萬五千五百五十口五十二萬九千

三百五

十五

汴州

今理開封
浚儀二縣

春秋時鄭地戰國時為魏都

魏惠王自
安邑徙居

大梁即今浚儀縣也張儀說魏哀

王曰魏地四平無名山大川之限秦屬三川郡

漢置陳留郡後漢因之晉改為陳留國

陳留天下之衝
四通五達之郊

東魏置梁州及陳留開封二郡北齊廢開封郡併入陳

留郡後周改梁州為汴州隋廢陳留郡煬帝初又廢州

分其地入滎陽梁潁川濟陰等四郡大唐復置汴州或

為陳留郡今郡西古城戰國時魏惠王所築也秦始皇

渠隋煬帝開引黃河水以通江淮漕運而拔之有通濟

兼引汴水即浪洑渠也浪洑與篋蕩同領縣六開封

有蓬池亦曰逢澤故衛國浚儀漢開封縣故城陳留有

之匡地夷門侯嬴所處在南有蔡水有城國語謂之莘墟陳留本鄭邑後為陳所併故曰陳留

漢高帝於此兵敗母時兵死後招寬葬號昭靈后其處

曰小黃園漢亦曰小黃縣故城在今縣東北雍丘古杞

又有漢東昏縣故城亦在東北俗曰緡者誤國漢

圍縣故城在東南又有漢外黃縣故城在今縣東春秋時齊桓公會諸侯於葵丘卽此東晉初祖逖鎮於此武

德中置封丘

古封國漢舊縣有黃池乃

尉氏

漢舊

睢陽郡

東至彭城郡西界二百一十里南至譙郡一百三十里西至陳留郡三百里北至濟陰郡一百

六十一里東南到譙郡鄆縣一百八十里西南到淮陽郡一百八十里西北到濟陰郡一百六十里東北到魯郡四百一十七里去西京一千五百四十里去東京七百八十里戶一十二萬一千一百七十八十一萬二千一百七十

宋州

今理宋城縣

高辛氏子閼伯所居商丘也周武王克殷

以封微子啟是為宋國戰國時齊楚魏三分其地秦置

碭郡漢改為梁國後漢因之晉亦曰梁國後周置梁州

隋文帝置宋州煬帝初為梁郡大唐復為宋州或為睢

陽郡領縣十 宋城 宋國都此有孟豬澤有漢梁孝王兔園平臺鴈鶩池漢睢陽縣在此

春秋時隕石五見存濇堤 襄邑 春秋時襄牛地宋襄公所葬漢為縣也 楚

丘 古之戎州已氏之邑蓋昆吾之後別在戎翟中周襄時入居中國已是戎君之姓漢曰已氏縣也 柘

城 虞城 孟豬澤即禹貢所謂盟諸也盟音孟又舜後所封之邑有綸城即少康邑漢虞縣也 寧

陵 古葛伯國亦魏信陵君邑 單父 古魯邑漢舊縣也又漢西防故城在今縣北 穀熟 漢舊縣即

殷之南亳 湯所都也 下邑 秦漢舊縣 碭山 漢麻鄉故城在縣之西北

譙郡

東至彭城郡五百里南至汝陰郡二百五十里西至淮陽郡二百里北至淮陽郡一百四十里東南

到汝陰郡五百九十里西南到淮陽郡二百九十里

西北到淮陽郡三百二十里東北到南城郡五百里

去西京一千七百四十里去東京八百九十八里

戶八萬二千四百六十八口六十五萬五千二百

亳州

今理譙縣

周武王封神農之後於焦卽其地也其後改

為譙春秋時為陳國之譙邑戰國時屬宋秦屬碭郡漢

屬沛郡後漢為沛國兼置荊河州

領縣六理於此

魏置譙郡晉

因之後置南兗州後周改為亳州兼置陳留郡隋初郡

廢煬帝初州廢復置譙郡大唐為亳州或為譙郡領縣

八

誰有渦水魏黃初中文帝自誰臨渙漢銍縣有嵇
循渦入淮有古焦城渦音戈山晉嵇康因

而改姓有渙永城有碭山漢高帝隱於芒碭山澤間即
水銍陟粟反永城此地漢芒縣故城在今縣北又有漢

太丘縣故鄧漢舊縣又有漢建平縣故地在今
城在西北鄧縣西北一名馬須城鄧音才何反真源之古

苦縣老子鹿邑漢鄭城父春秋時陳國之夷邑左傳楚
生於此靈王敗於乾谿即此有肥水

泡漢蒙城漢山桑縣後魏置渦州及渦陽縣東魏置
水蒙郡後曰山桑又有漢垂惠聚在縣西北

濟陰郡東至魯郡三百二十里南至睢陽郡一百六十
里西至陳留郡二百里北至濮陽郡一百七十

里東南到睢陽郡一百六十里西南到陳留郡二百
四十里西北到靈昌郡二百五里東北到濟陽郡四

百里去西京一千四百七十里去東京六百五十里
戶十萬一千二百九十口六十萬六千二百五十

曹州

今理濟陰縣

昔唐堯所居

州界有堯塚

在周為曹國之地

武周

王弟曹叔振鐸所封地昔湯伐桀桀敗走三股戰國時三股國名湯又伐之俘厥寶玉在此也股音宗

戰國時

屬宋秦屬碭郡漢改為梁國景帝分梁為濟陰國宣帝

更名定陶後為濟陰郡後漢因之晉為濟陽郡後魏置

沛郡及西兗州後周改西兗為曹州隋為濟陰郡大唐

復為曹州或為濟陰郡領縣六

濟陰

古三股亭在縣東北有曹南山

有汜水即漢高帝即位之地汜音泛取泛愛之義漢濟陰郡城今縣是也亦漢定陶縣地股與愛同荷澤在今縣城東北九十里

成武

漢舊縣隋置戴州

寬句

有漆園莊周為吏之所漢濟陽

縣故城在今縣西南後漢光武生於此有古煇棗城句俱巨反考城有北亳成湯都也

在穀熟此亳在蒙北卽北亳也亦曰景亳亦古南華漢

戴國也又有北郟城左傳云取郟大鼎卽此

狐縣地天乘氏古曰乘丘漢句陽故城在今

寶初改焉縣北左傳盟句瀆之丘是也

潁川郡東至淮陽郡二百八十里南至汝南郡三百二

八十里東南到淮陽郡三百里西南到臨汝郡一百

八十里西北到東京三百二十里東北到陳留郡三

百三十里去西京一千二百二十里去東京三百三

許州今理長社縣春秋許國七國時為韓魏二國之境秦為

潁川郡漢高帝為韓國尋復故後漢因之獻帝暫都之

魏文帝受禪於此及晉並為潁川郡後魏亦同為潁川

郡西魏初得之後入東魏

西魏將王思政鎮守東魏軍圍之二百日城陷即今長葛

縣界故長社城也

改為鄭州後周改曰許州隋復為潁川郡大

唐為許州或為潁川郡領縣六

長社

漢舊縣其社中樹暴長故曰長

社有高陽里郡城西南有荀淑故宅相傳云即舊西豪里

鄆陵

漢舊縣春秋鄭伯克段於鄆即此也

長

葛

臨潁

後漢舊縣

許昌

漢許縣獻帝都於此魏文改曰許昌在今縣南三十里許昌故城是

扶溝

漢新汲縣故城在西南周迴有水勢甚固故為名

淮陽郡

東至譙郡二百里南至汝南郡平輿縣二百五里西至潁川郡二百八十里北至陳留郡雍丘

縣二百二十里東南到汝陰郡二百里西南到汝南
郡界二百六十里西北到陳留郡二百三十里東北
到睢陽郡三百八十一里去西京一千五百一十四
里去東京七百里户六萬二千七百一十九口二十
五萬四千
九百五十

陳州

今理宛丘縣

昔庖犧氏所都曰太昊之墟周初封舜後

媯滿於此以備三恪為陳國楚滅為縣楚頃襄王自郢

徙於此戰國時為楚魏二國之境秦屬潁川郡漢汝南

郡淮陽國之地後漢亦同晉為汝南郡梁國二境地魚

置荊河州

領郡國十理於此

後魏置陳郡又置北揚州

理於北

齊改北揚州為信州

以百姓守信不附侯景故曰信州

隋置陳州煬帝

初州廢置淮陽郡大唐為陳州或為淮陽郡領縣六

宛丘

周時陳都宛丘有古固陵城項羽南走固陵卽此也漢淮陽郡故城在今縣西南有百尺堰東門池

項城

古項子國漢西華縣後曰項城

南頓

舊置南頓郡地

西華

漢長平縣

太康

漢陽夏縣

又有扶樂故城在北激水

汝陰郡

東至壽春郡二百五十里南至弋陽郡三百八十五里西至汝南郡四百里北至譙郡二百五

十里東南到壽春郡三百五十里西南到汝南郡褒信縣二百二十里西北到淮陽郡三百里東北到彭

城蘄縣四百四十里去西京一千八百里去東京九百九十里戶二萬九千三百七十七口一十八萬九千四

潁州

今理汝陰縣

春秋時胡子國也戰國時屬楚秦為潁川

郡地兩漢為汝南郡地魏置汝陰郡

司馬宣王使鄧艾屯田於此

後

廢晉武帝復置汝陰郡後魏置潁川郡隋復為汝陰郡

大唐為潁川或為汝陰郡領縣四

汝陰

漢舊縣有寢丘史記曰蒙

恬伐寢徐廣又曰固始寢丘也按固始今弋陽郡縣亦漢寢丘地也又有漢細陽故城在西北

下蔡 古蔡

國又吳州來之邑也左傳曰蔡成公自上蔡遷於州來謂之下蔡梁大同中於硤石山築城拒東魏即今縣城也

潁上

漢置慎縣地故城在今縣西北又有故甘城梁置下蔡郡有闕吳魏以來闕防津濟之所 沈

丘 隋置沈州神龍初分汝陰縣置此縣魏王凌欲興兵討司馬宣王宣王覺自往襲凌懼面縛丘頭因曰武

丘卽此

汝南郡

東至汝陰郡四百里南至義陽郡二百六十里西至淮安郡二百七十里北至潁川郡長社縣

三百二十里東南到弋陽郡淮水中流為界二百里西南到淮安郡桐柏縣界一百八十里西北到臨汝郡襄城縣二百八十一里東北到淮陽郡一百八十里去西京一千五百四十五里去東京六百七十里戶七萬六千三百六十口四十四萬六十九

今荆河州

今理汝陽縣

春秋時沈蔡二國之地戰國時為楚

魏二國之境秦屬潁川郡漢高帝置汝南郡後漢因之

魏晉亦曰汝南郡宋初因之兼置荊河州

領郡十
理於此

以為

重鎮

常珍奇守之元嘉二十六年後魏主太武率兵攻
圍汝南太守陳憲守拒四十餘日魏人積屍與城

齊不拔
而退

後魏置荊河州

理於此

東魏置行臺後周置總管

府後改曰舒州尋復曰荊河州其後改洛州為荊河州

以此為溱州尋改曰蔡州後置汝南郡隋初郡廢煬帝

初復置汝南郡大唐為荊河州或為汝南郡

郡城即懸
鉏城形若

垂鉏故城
取名焉

領縣十一

汝陽

漢北宜春縣故城在今縣
西南又漢平輿縣故城在

今縣東汝水南北又有漢安城縣故城在
東南有二龍鄉月旦里鴻郟陂在縣東

上蔡

古蔡國
蔡叔之

始封地也

平輿

古沈子國今沈亭是也漢舊縣

郾城

漢舊縣又有古名陵城在今縣東即

齊桓公盟會所又有堂谿蘇秦曰韓之劔戟出堂谿又有漢定陵故城在縣西北又有漢西平縣城在今縣南

古征羌城

西平

古栢子國也漢舊縣

吳房

漢舊縣古房子國漢安城縣故城在今縣東南

朗山

有朗陵山漢朗陵縣在今縣西南有道城即道國也春秋云江黃道栢國

真陽

漢慎陽縣又漢

新陽縣故城在西南梁白狗城戍城在此後魏將堯雄曰梁之北面重鎮也

新息

古息國漢舊縣也又

有漢安陽縣故城即春秋時江國也

褒信

漢郾縣也

新蔡

古呂國後蔡侯自下蔡徙都於此故曰新

蔡漢鮑陽縣故城在北又有葛陂俗云後漢費長房投竹化成龍處亦後漢舊陵縣也鮑直瀧反

淮安郡

東至汝南郡二百七十里南至漢東郡四百里西至南陽郡三百二十里北至臨汝郡四百二

十里東南到義陽郡二百六十里西南到襄陽郡三百二十里西北到臨汝郡魯山縣四百四十里東北到汝南郡吳房縣三百一十九里去西京一千四百八十里去東京六百四十里戶四萬一千七百五十口一十六萬三千四百九十

唐州

今理比陽縣

春秋楚地戰國時屬韓秦漢並南陽郡地

後漢亦然晉屬南陽國後魏置東荊州西魏改為淮州

為重鎮

置兵以備東魏

隋改為顯州煬帝改為淮安郡大唐為

唐州或為淮安郡領縣七

比陽

漢舊縣後魏置殷州及陽城郡方城山自

比陽相比連百里號曰方城馬城陂在縣北溉田萬頃

慈丘

後魏置江夏郡

方城

漢堵陽縣西魏

置襄邑郡有方城山一名黃成山 湖陽古之蓼國前漢湖陽縣後漢棘陽縣故城在今縣北古謝國也

在棘水之陽有唐子山又平氏漢舊桐栢水所出梁置曰西唐山漢高鳳隱處

華州及上川郡大木山祖逖為泌陽漢舞陰縣故城在荆河郡州刺史藏家屬於此山

縣南後漢光武初起兵破王莽將甄阜梁丘賜之處泌音秘

南陽郡東至淮安郡三百二十里南至襄陽郡一百八十里西至上洛郡六百四十八里北至臨汝郡

四百九十里東南到淮安郡四百一十里西南到武當郡三百四十里西北到弘農郡七百里東北到淮

安郡四百五十里去西京九百二十里去東京六百七十里戶四萬二千七百五十口一十六萬六百七

十

鄧州今理穰縣本夏禹之國春秋時申伯鄧侯二國之地戰

國屬韓後沒於秦封魏冉為穰侯尋而屬楚始皇平天

下置南陽郡兩漢因之晉為南陽國及順陽義陽二郡

之境宋齊並為南陽郡後魏置荊州西魏為重鎮置兵以備

齊隋初改為鄧州煬帝初為南陽滄陽二郡地大唐為

鄧州或為南陽郡領縣七穰漢順陽故城在今縣西亦後漢穰縣地後魏馬

圍鎮在縣北蕭齊大將陳顯達攻圍四十餘日不下敗歸亦漢涅陽縣地又有六門堰鉗盧陂並漢名信臣所

築溉田三萬頃又有漢朝陽縣故城南陽古申國漢置宛縣縣南三

在今縣東南今謂之朝城涅怒結反

十七里有小長安又漢杜衍縣在今縣
西又有後漢涇陽縣故城在涇水之陽
向城 漢西鄂縣故城今縣

南有魯陽關及魯陽山及青山漢張衡墓亦在縣南崔
瑗作碑見在北重山在縣北卽是三鷓之第一又北分

嶺山嶺北卽三鷓之二鷓也其
第三鷓入臨汝郡魯山縣界
內鄉 於中卽此地本楚

水舊置浙郡卽漢浙縣楚之白羽也又有漢丹水縣故
城在今縣西南檢地志云戰國張儀所言商於地按荆

州圖則云今縣東七里於
村蓋昔所言商於地也
菊潭 有菊水傍水居人
飲此水多壽也
新野

漢舊縣或曰棘陽縣有樊陂
在西南有光武臺節晨宅
臨湍 漢冠軍縣霍去
病所封有湍水

武當郡 東至南陽郡二百四十里南至房陵郡二百六
十八里西至康安郡七百里北至南陽郡內鄉

縣二百六十里東南到襄陽郡界三百七十里西南
到房陵郡三百六十里西北到上洛郡上津縣石丹

山界三百里東北到南陽郡三百四十里去西京九百二十里去東京九百一十里戶九千二百口四萬

六千二百九十

均州 今理武當縣 戰國時屬韓秦屬南陽郡漢為南陽漢中

二郡地後漢因之魏屬南鄉郡晉宋並屬順陽郡後置

武當郡齊於此僑立始平郡尋改為齊興郡梁置興州

後周改為豐州隋初郡廢改為均州煬帝初州廢改為

淅陽郡 今郡城即後漢延岑築據之 大唐為均州或為武當郡領縣

三 武當 漢舊縣有古塞城在縣北戰國時楚築以備秦所據之山高峻險峭今名大塞山又有武

當山鄖鄉漢錫縣也古麋國地春秋時楚潘崇伐麋至於錫穴卽此也西晉改為鄖鄉鄖音云豐利

漢長利縣地

襄陽郡東至漢東郡三百五十里南至江陵郡四百七十里西至房陵郡四百九十里北至南陵郡一

百八十里東南到富水郡三百十六里西南到夷陵郡五百七十里西北到武當郡三百七十里東北到淮安郡三百二十里去西京千一百八十里去東京八百五十里戶四萬六千五百六十二口二十三萬一千四百

襄陽今理襄陽安養二縣禹貢荆河州之南境南漳一縣則荆州之域餘並荆河州

城之春秋以來楚地秦南郡之北界二漢屬南郡南陽二

郡地至獻帝時魏武始置襄陽郡亦為重鎮

蜀將關羽攻沒于禁

等十軍兵勢甚盛徐晃屯守不下曹公謂晃曰全襄陽

子之功也後孫權帥兵向西時曹仁鎮之司馬宣王言

於魏文帝曰襄陽水陸之衝禦寇要地不可失也

晉初因之兼置荊州

理於此平吳後

理江東晉僑置雍州

時以雍州既沒流人聚此魏該朱序皆鎮焉

宋文帝割

荊州置雍州

領郡十七理於此

襄陽去江陵步道五百勢同唇

齒無襄陽則江陵受敵自東晉庾翼為荊州刺史將謀

北伐遂鎮襄陽田土肥良桑梓遍野常為大鎮北接宛

洛跨對楚沔為鄢郢北門部領蠻左齊梁並因之亦為

重鎮後梁蕭譽附庸於西魏而都於此西魏改曰襄州

隋復為襄陽郡大唐因之領縣七

襄陽

漢中廬縣也蓋貉越人徙

於此在襄水之陽又有漢水及岷山又

臨漢

漢樊縣也西魏置河

有馬鞍山昔晉劉弘山簡九日宴處

南郡有古樊城及宛水又有鄴城鄴音憂即古鄴子國

也蕭齊明帝建武中將曹武鎮守後魏主孝文帝率兵

十萬攻圍樊城不下舊

穀城

春秋時穀國也有陰縣城亦在北又有漢故鄴城在

縣東北漢之鄴縣也蕭何所封說文云鄴音贊鄴縣在

南陽鄴在河反縣在沛郡按班固洄水亭高祖碑云文

昌四友漢有蕭何序功第一受封於鄴又江統徂淮賦

云戾鄴城而倚軒寶蕭公之故國謂何封沛縣之鄴明

矣近代戴規辯字與姚察訓纂傍將衆說俱因此論規

卽斷云何封沛之鄴夫人封南陽之鄴臣瓚及文頴等

注皆據茂陵書蕭何所封在南陽按茂陵書在武帝崩日去何不遠指事為親且地理志以鄴為侯國鄴則不言又何本傳子祿薨無子高后封何夫人同為鄴侯小子延為筑陽侯孝文元年罷同更封延為鄴侯尋筑陽距鄴三十餘里若唯夫人封鄴則小子延獨繼其母子謂不然也鮑至南雍州記云城內見有蕭相國廟相傳謂為城隍神遠近而推茂陵書亦可依矣

宜城

楚之鄢都謂之郢有蠻水漢黎丘城在縣北又漢宜城縣

在今縣南其地出有美酒舊名率道天寶中改焉

義清

春秋廬戎國秦山都縣故城在今縣之東南

樂鄉

春秋若國之地有若鄉若水中城山在縣西南山有城疊極峻

南漳

漢臨沮縣有荆山焉

貢曰荆及衡陽惟荆州即此山下和得玉之處有地名祖中吳朱然屯處

漢東郡

東至安陵郡一百五十里南至富水郡四百六十里西至襄陽郡一百五十里北至淮安郡四

百里東南到安陸郡一百五十里西南到富水郡四百六十里西北到淮安郡四百三十里東北到襄陽

郡一百四十里去西京一千四百里去東京一千八十里戶二萬二千七百五十口一十萬三千七百十

隨州

光化郡在今郡東南南三十餘里則荆州之域餘則荆河州之域今理隨縣

春秋隨侯之

國左傳曰漢東之國隨為大其後屬韓秦二漢並屬南

陽郡晉屬義陽郡後分置隨郡宋秦因之西魏置并州

後改曰隨州隋分其地置漢東春陵二郡大唐併為隨

州或為漢東郡領縣四

隨

漢舊縣後漢初平林兵起在縣東北地名也梁置曲

陽郡東北棗陽

後漢蔡陽縣光武舊宅在今縣南二里有三鍾山有白水焉又有漢春陵故城在今縣東

漢元帝時自零陵冷道縣徙於此卽張衡所謂龍飛白水後魏置南荊州隋置春陵郡城有漢襄鄉故城在東北梁下澁戎在縣東南百有餘里後魏宣武正光初南伐破之置鎮梁又破鎮置郡澁側駕反唐城魏曰厥西置義陽郡後光化自漢至宋為隨縣地蕭齊曰肆州或曰唐州為安化縣西魏文帝改焉

風俗

荊河之間四方輻輳故周人善賈趨利而織嗇韓國分

野亦有險阻

蘇秦謂韓宣王曰韓北有鞏成臯之固西有宜陽商阪之塞東有苑穰洧水南有陘

山鞏成臯則今鞏縣汜水也宜陽商阪卽今福昌山及商山也苑穰今南陽界陘山今密縣山自東漢

魏晉宅於洛陽永嘉以後戰爭不息元魏徙居纔過三

紀自西晉永嘉五年劉曜陷洛陽執懷帝至後魏太和十九年經百八十七年遷都至永熙三年又經三十九年分爲東西魏矣逮乎二魏爰及齊周河洛汝潁迭為攻守夫土中風雨所交宜乎建都立社均天下之漕輸使萬國之享獻不恃隘害務修德刑則卜代之期可延久也

通典卷一百七十七

欽定四庫全書蒼要卷九千二百九十六

史部

通典卷一百七十八

唐京兆杜佑君卿纂

州郡八

古冀州上

今置郡府二十二縣一百二十七

河內懷五縣

河內

脩武

獲嘉

武德

武陟

汲郡衛五縣

汲

衛

新鄉

共城

黎陽

鄴郡相十一縣

安陽

鄴

堯城

洹水

滏陽

陰

內

成安 臨漳

廣平 洺 十縣 永年 臨洺 鷄澤 武安 曲周 洺水 清漳 肥鄉 邯鄲 平

恩

鉅鹿 邢 九縣 龍崗 南和 平鄉 鉅鹿 沙河 任 內丘 青山 堯山

信都 冀 九縣 信都 南宮 堂陽 武強 下博 藁強 衡水 阜城 武邑

趙郡 趙 九縣 平棘 元氏 昭慶 藥城 贊皇 高邑 栢鄉 臨城 寧晉

常山 鎮 九縣 真定 鹿泉 井陘 靈壽 藁城 九門 石邑 房山 行唐

博陵 定 十一縣 樂安 義豐 望都 無極 唐昌 安喜 北平 鼓城 恒陽 新

陘邑 深澤

河間 瀛 六縣 河間 平舒 博野 束城 樂壽 高陽

文安 莫 六縣 鄭 唐興 清苑 任丘 文安 長豐

饒陽 深 四縣 饒陽 安平 鹿城 陸澤

上谷 易 八縣 易 五迴 遂城 樓亭 涑水 容城 滿城

范陽 幽 十一縣 薊 歸義 范陽 安次 固安
昌平 潞 永清 良鄉 武

清 廣寧

順義 順 一縣 宥義

歸化

分順州置

一縣

懷柔

歸德

燕

一縣

遼西

媯川

媯

二縣

懷戎

媯川

漁陽

薊

三縣

漁陽

三河

玉田

密雲

檀

二縣

密雲

燕樂

北平

平

三縣

盧龍

石城

馬城

柳城

營

一縣

柳城

古冀州

禹貢曰冀州既載載始也冀州堯都故禹理水自此而始也以唐虞之都不言封略餘州所

至即是其境矣壺口雷首至于太岳壺口山在今文城郡吉昌縣太岳在今平陽郡霍邑

縣即霍山也雷首在今河東郡河東縣此山凡有八名即歷山首陽山薄山襄山甘棗山中條山渠猪山獨山

等名是也既脩太原至于岳陽太原今太原府岳陽即霍山也亦曰太岳覃懷底

績至于衡漳覃懷近河地名今河內郡也底致也績功也衡漳謂漳水橫流而入河在今廣平郡

西北肥鄉縣界也厥土惟白壤柔土曰壤恒衛既從大陸既作恒衛二水

名也恒水出恒山在今博陵郡恒陽縣界衛水在今常山郡靈壽縣西山所出大陸澤鄭玄云在鉅鹿北言水

徙故道可以耕作今趙郡象城縣界島夷皮服海曲曰島居島夷而衣其皮夾右碣石

入于河

碣石海邊山名在今北平郡盧龍縣地言禹夾行此山之右入河逆上也

舜以冀州

南北濶大分衛水為并州燕以北為幽州並置牧周禮

職方曰河內曰冀州山曰霍藪曰楊紆

爾雅云秦有楊紆而此以為冀

州藪未詳其

義及所在也

川曰漳浸曰汾潞

漳水出今上黨郡長子縣界汾水出今樓煩郡

靜樂縣山路水出今密雲郡密雲縣也

其利松栢人五男三女畜宜牛羊

穀宜黍稷其地險易帝王所都亂則冀安弱則冀強荒

則冀豐故曰冀州其在天官昴畢則趙之分野

漢之趙國信都

真定常山中山涿郡之高陽鄭州鄉廣平鉅鹿河間渤海之東平舒中邑文安東州成平章武河以北也南至

浮水繁陽內黃斥丘西有太原定襄雲中五原上黨皆其分也今鄴郡廣平鉅鹿信都趙郡常山博陵河間文

安饒陽高平上黨樂平陽城太原定襄雲中單于尾箕鴈門之西南境樓煩之南境西河之東境皆是也

則燕之分野漢之漁陽右北平遼西遼東上谷代郡鴈門涿郡之易容城范陽北新城故安涿縣

良鄉新昌及渤海之安次皆其分也今上谷范陽順義歸化歸德媯川漁陽密雲北平柳城馬邑安邊鴈門之

東北境樓煩之兼得秦魏衛之交漢之西河今昌化之北境皆是也

屬秦漢之高陵以東盡河內今河東平陽文城太寧昌化之南境絳郡陝郡之河北地河內之西境並宜屬魏

漢之河南野王朝歌今河內秦平天下置郡為鉅鹿今東境汲郡皆宜屬衛矣

山信都趙郡之東北境博陵郡之西境鉅鹿之北境饒陽之南境兼兗州之域景城之南境皆是也邯鄲

今廣平鄴郡鉅鹿之南境
趙郡之西南境皆是也
上谷
今上谷范陽文安河間
媯川歸化順義歸德饒

陽之北境趙博陵之東境及充
州之北境趙博陵之北境皆是也
漁陽
今漁陽密雲
郡地皆是也
右北

平
今北平郡
遼西
今柳城及北平郡
河東
今河東絳郡陝郡
之東境皆是也

文城等郡
上黨
今上黨高平樂平
太原
今太原西河昌
化定襄及鴈門
皆是也

之南境樓煩等
代郡
今安邊及馬邑
鴈門
今馬邑之南
郡地皆是也

境皆
雲中
今雲中單
及三川郡之北境
今河
內郡
漢武置十

三州此為冀州
領郡
幽州
領郡
并州
領郡
九古冀州西
國九幽州國十

東絳郡平陽
後漢並因前代為冀州
理於鄆鄆今趙郡
河內汲郡

高邑縣袁紹曹公

理鄴今鄴郡呼各反幽州理薊今范陽郡縣并州理晉陽今太原府魏並因之

晉置冀州

領郡國十三理房子今趙郡縣

幽州

領郡國七理涿今范陽郡是也

并州

領

國六惠帝之後其地淪沒於劉元海石勒慕容儁又為苻

堅所陷堅敗慕容垂據之後屬後魏自此分割不可詳

馬大唐分置十五部此為河北道

范陽汲郡鄴郡廣平饒陽河間常山博陵

信都趙郡鉅鹿文安上谷北平密雲

河東道河東絳郡北平平陽

媯川漁陽柳城歸德順義歸化等郡

河東道河東絳郡北平平陽

太原上黨西河高平太寧昌化文城陽城

兼分入都畿

定襄樂平鴈門樓煩安邊雲中馬邑等郡

河內關內道單于

河內郡東至汲郡二百六十里南至關

里西至河南府濟陰縣七十三里北至高平郡

一百四十里東南到滎陽郡一百五十里西南到河

南府一百四十里西北到河南府界一百七十里東

北到汲縣二百六十里去西京九百九十里去東京

一百四十里戶五萬四千一百口三十一萬五千三

十七

懷州今理河

禹貢覃懷之地

禹貢曰覃懷底績

太行山在焉周

為畿內及衛邠雍三國

邠音于

春秋時又屬晉左傳襄王

賜文公陽樊隰原攢茆之田晉於是始啓南陽

杜注云晉山之

南河之北故曰南陽也

又云武王克商蘇忿生以溫為司寇其田

有隕懷是也

隕徒回反

戰國時為魏衛二國之境秦始皇滅

衛其君角徙居野王阻其山保之胡亥廢角為庶人以

其地屬三川郡項羽立司馬卬為殷王王河內漢高帝

初為殷國尋更名河內郡後漢因之晉為河內汲二郡

地後魏置懷州兼置河內郡隋初郡廢而懷州如故煬

帝初州廢復置河內郡大唐因之亦為東畿內之郡領

縣五

河內

漢野王縣有沁水自河南府濟源界流入

脩武

本殷寧邑韓詩外傳曰武王伐

紂勒兵於寧故曰脩武有古南陽城漢山陽縣故城
在今縣西北有濁漉城漢獻帝為山陽公居於此矣獲

嘉漢武幸緱氏至汲縣之新中鄉得南越相呂嘉首因立獲嘉縣後周置修武郡隋置殷州是也武德

周司寇蘇忿生之邑東魏置武德郡漢射犬故城在今城北又有漢平臯縣故城在今縣西武陟漢

縣地故城在今縣西

汲郡東至靈昌郡一百一十里南至靈昌郡酸棗縣七十五里西至河內郡二百六里北至鄴郡一百九

十里東南到靈昌郡一百三十里西南到河內郡二百六十里西北到高平郡陸山縣四十里東北到鄴

郡臨河縣一百六十里去西京一千九百九十里去東京三百九十里戶四萬六千九百八十口二十萬

七千九百八十

衛州今理汲縣殷之舊都周既滅殷以殷餘人封康叔為衛

君居河淇之間故商墟也其後衛為翟人所滅齊桓更封衛於河南楚丘而河內殷墟復屬於晉戰國時屬衛秦并天下為東郡三川二郡之地二漢為河內魏二郡地魏置朝歌郡晉改置汲郡後魏亦為汲郡東魏置義州後周為衛州又分置脩武郡隋初郡廢煬帝初州廢復為汲河內二郡地大唐為汲郡領縣五

汲

漢舊縣牧野之

地即紂都近郊衛漢朝歌縣古殷朝歌城在今縣西紂三十里即此也衛漢朝歌縣古殷朝歌城在今縣西紂都有鹿臺謂之殷墟上宮臺詩曰要我乎上宮即此也今縣西北有黑山蘇門山孫登隱處淇水出共山東至今縣界入河謂之淇水口漢建安中

曹公於水口下大枋木以成堰過淇水東入白溝以通漕運故時人號其處為枋頭晉大將軍桓溫為慕容暉將慕容垂所敗於枋頭新鄉縣西南三十二里即此也枋音方淇音其鄆城即鄆國共城古伯國故城在黎陽漢舊縣魏置黎州及黎陽有白馬津縣東漢共縣黎陽即鄆生所云杜白馬之津是也後魏改為黎陽津又有枉人山古凡伯國在北有大伾山今名黎陽東山又名青檀山在縣南七里其張楫云成臯山是大伾山謬也

鄆郡東至魏郡二百十里南至汲郡一百九十里西至上黨郡三百里北至廣平郡一百八十里東南到

汲郡黎陽縣一百六十里西南到高平郡三百二十里西北到上黨郡黎城縣三百里東北到廣平郡肥鄉縣一百四十里去西京一千四百二十五里去東京五百六十里戶十萬九千四百五十口五十九萬

一百九

十六

相州

今理安陽縣

殷王河亶甲居相即其地也春秋時屬晉

戰國時屬魏後屬趙秦兼天下為邯鄲郡地漢為魏郡

後漢因之魏武王建都於此

魏氏都鄴縣

晉亦為魏郡後趙

石季龍前燕慕容儁竝都之

皆都於鄴冉閔為慕容儁所滅慕容暉為苻堅所滅

後魏道武置相州取河亶甲居相之義東魏靜帝初遷

都於此改置魏尹及置司州牧北齊又都焉改為清都

郡置尹

後周武帝平高緯也

後周置相州及魏郡

自故鄴移治安陽城

隋初

郡廢煬帝初州廢復置魏郡

自北齊之滅衣冠士人多遷關內唯技巧商販及樂

戶移實郡郭由是人情險詖至今好為訴訟也

大唐為相州或為鄴郡領縣十

一安陽

漢魏郡城在今縣東北有韓陵山即高歡破爾朱兆之所又有丹藍嵯山堯城有丹

朱陵又有蕞陽聚故城在今縣東左傳云晉荀盈卒於戲陽注云內黃縣戲陽城戲與蕞同許宜反

洹水

有洹水

滏陽

有漳河滏水隋置慈州滏音父

內黃

漢舊縣有繁河漢繁陽縣故城在今縣西

北鄴後漢末冀州刺史嘗理於此有魏武帝文帝甄后等三陵臺東魏北齊皆都於此後周置相州後徙

相州於安陽山漳水在縣西晉史曰石勒諸將佐議欲都於鄴將攻三臺張賓進曰三臺險固攻守未可卒下

於是進

林慮

漢為隆慮後漢避臨慮

臨河

有王莽河古淇河及顓頊陵在焉

湯陰古羗里城紂拘周文王之所漢蕩陰縣蕩音湯成安漢斥丘縣故城在東南地斥鹵故名焉

臨漳

廣平郡東至清河郡臨清縣一百二十里南至鄴郡一百八十里西至上黨郡涉縣界二百五十里北

至鉅鹿郡南和縣五十里東南到魏郡魏縣界九十里西南到鄴郡滏陽縣界七十里西北到鉅鹿郡沙河縣界六十里東北到清河郡宋城縣一百一十里去西京一千五百八十里去東京七百六十里戶八萬九千二百九十口十六萬二千八百一十

洺州今理永年縣禹貢覃懷底績至於衡漳衡漳在今郡南肥鄉縣界春

秋時赤狄之地晉荀林父敗赤狄於曲梁即此其後屬晉七國時趙所

都秦并天下屬邯鄲郡漢初置廣平國武帝改為平干

國宣帝復為廣平國後漢光武省廣平入鉅鹿郡後為

魏郡之西部魏改為廣平郡晉因之後魏為廣平郡後

周置洺州隋煬帝初置武安郡大唐初劉黑闥都之剋

平置洺州或為廣平郡領縣十 永年 漢曲梁縣也又漢廣平縣故城

在今縣北隋以煬

鷄澤 有沙河

曲周

漢舊縣故城在今縣西南紂鉅橋倉亦在

於清漳 南近邯鄲戰國時趙國所都自敬侯始都之有

漳水

邯鄲

叢臺洪波臺亦漢舊縣邯山名鄲盡

也漢趙王如意臨洺 漢易陽縣北

武安

漢舊縣有武安城趙奢與秦軍

溫明殿在此焉

臨洺

齊置襄郡

戰鼓譟武安屋瓦皆震即此也
沼水有衡漳瀆或云禹貢曰覃懷底績至於衡漳即此也
肥鄉漢列

人縣故城在今
平恩漢舊

鉅鹿郡東至清河郡二百三十里南至廣平郡臨沼縣六十五里西至樂平郡縣二百四十里北至趙

郡一百七十里東南到廣平郡曲周縣一百十里西南到廣平郡武安縣一百二十里西北到太原郡樂平縣五十里東北到信都郡二百六十里去西京一千六百七十里去東京八百五十里戶六萬七千六百六十口四十六萬二千七百八十

邢州今理龍崗縣
古祖乙遷於邢即此地亦邢國也春秋時

衛侯滅邢魯僖公時晉伐衛取邢其地遂屬晉七國時

屬趙秦為鉅鹿邯鄲二郡地項羽分趙立張耳為常山

王居信都更名信都曰襄國即其地也漢屬鉅鹿常山

二郡及趙廣平二國地後漢因之晉為鉅鹿趙二國石

勒都於此張賓進說曰襄國因山憑險形勝之國可都之後魏為鉅鹿郡隋置

邢州煬帝初置襄國郡大唐為邢州或為鉅鹿郡領縣

九 龍崗秦為信都縣項羽改為襄國漢至隋始改為龍崗夷儀嶺在縣北百五十里左傳云邢遷

於夷儀南和漢舊縣後周亦漢舊縣地或云秦置鉅鹿郡於此即古大鹿

之野有沙丘之臺紂鉅鹿漢南樂縣地漢鉅鹿今平鄉縣也沙河漢襄國縣

地隋

任縣

漢張

內丘

漢曰中丘隋以國諱改之

青山

隋置

堯山

信都郡

東至平原郡二百十里南至清河郡一百三十里西至趙郡一百六十里北至河間郡二百三十

十里東南到博平郡三百里西南到鉅鹿郡二百六

十里西北到饒陽郡百三十里東北到景城郡三百

五十里去西京一千九百五十里去東京一千一百

里戶十一萬一千八百八十口八十二萬六千七百

十七

今之冀州

理信都縣

古冀兗二州之域

禹導河自大壩山北過泇水至於大陸按

地理志泇水南自清河郡經城縣界入當郡南宮縣界

又東北入信都縣界水經云泇故瀆又東北經辟陽亭

北又經信都城東散入澤清按辟陽亭在今郡理東南

三十五里今縣乃漢信都國城則郡理東入兗州之域

郡理西入冀州之域焉春秋時晉地戰國時屬趙秦為鉅鹿郡地

漢高帝置為信都郡景帝改為廣川國宣帝復為信都

國後漢明帝更名樂成國安帝更名安平國漢末兼置

冀州領郡國九理於此晉亦然後魏為長樂郡兼置冀州北齊

後周皆因之隋初郡廢而冀州如故煬帝初州廢復置

信都郡大唐為冀州龍朔二年改為魏州咸亨三年復

舊或為信都郡郡今理即漢信都國城領縣九信都漢舊縣禹導河北過

澤水即此亦曰枯澤渠西南自南宮縣界入漢昌城縣故城在今縣北又有漢扶柳縣故城在今縣西南

宮 漢舊縣漢呂后封張敖子偃為南宮侯即
此泮水故瀆南自清河郡經城縣界入 堂陽 漢舊
縣在

堂水 陽武 漢武 下博 漢舊 棗強 漢舊縣又有漢廣川
之陽 武強 漢武 縣 棗強 漢舊縣故城在今縣東北 衡

水 有衡漳 故瀆 阜城 漢舊 武邑 漢舊縣界而東北經縣城西北

趙郡 東至信都郡一百六十里南至鉅鹿郡一百七十
九里西至太原府五百五十九里北至常山郡一

百里東南到信都隔河相去一百六十五里西北到
常山郡一百七十里西南到鉅鹿郡一百九十五里

東北到博陵郡三百七十里去西京一千八百五十
里去東京一千三百十里戶六萬一千一百六十三

口三十七萬四
千七百十二

趙州 今理平 春秋時晉地戰國時屬趙秦為邯鄲鉅鹿

二郡地後漢屬常山國鉅鹿郡地兼置冀州

領郡國九
理鄣今高

邑縣

是晉為趙國亦置冀州

領郡國十三
理房子今縣

後魏為趙郡明

帝兼置殷州北齊改殷州為趙州郡仍舊隋改置藥州

煬帝改為趙州尋復為趙郡大唐為趙州或為趙郡領

縣九

平棘

漢南平棘縣故城在今縣南又有
漢宋子縣故城在今縣北有槐水

元氏

漢

縣漢常山郡故城在今縣西後漢
光武征彭寵陰后生明帝於此

昭慶

漢廣阿縣後魏
置殷州及高齊

鉅鹿郡後改為南趙郡隋為大陸縣
有大陸澤舊是象城天寶中改焉

藥城

漢之關

贊皇

有贊
皇山

高邑

漢之鄣縣光武即位更
名高邑鄣音呼各反

柏鄉

漢鄣縣地漢光
武即位壇在此

漢南緜縣故城
在今縣東北

臨城
是漢舊縣也
有泝水
舊寧晉
陶縣

寧晉
漢癭

常山郡

東至博陵郡一百二十四里
南至趙郡一百里
西至太原府五百一十六里
北至安邊郡四百

九十里
東南到博陵郡鼓城縣一百九十里
西北到鴈門郡五百四十里
西南到太原府樂平縣三百二十里
東北到博陵郡一百二十里
去西京一千七百七十里
去東京一千一百三十里
戶五萬三千五百七十口
三十一萬七千七百一十七

鎮州

今理真定縣

春秋時鮮虞國之地

左傳曰晉荀吳以上軍伐鮮虞注云中山

新市縣也

戰國時屬趙

趙之東恒邑也

秦屬鉅鹿郡
漢高帝置恒山

郡後避文帝諱改曰常山郡亦屬真定國後漢屬常山

國晉復為常山郡後魏因之後周置恒州領常山郡隋

初廢煬帝初州廢復置常山郡大唐乾元年復為恒州

或為常山郡天寶十五載改為平山郡元和十五年改

為鎮州領縣九 真定 漢中山國之東恒邑亦漢舊鹿

泉 井陘口在此今謂之土門漢井陘 漢舊縣古井陘武

城實中 靈壽 本中山國之都也漢舊縣故城在今西北

音 豪城 後周置鉅鹿郡隋置廉州漢豪縣故城在今九

門 漢舊 石邑 漢舊縣井陘山甚險回故李左車說陳餘

曰井陘車不得方軌騎不得成列請守之

不從故城在今縣西北俗謂之人文城有早山早音蔽
今名抱犢山西面危絕山頂有二泉後魏葛榮亂百姓
抱犢上山
房山漢蒲吾縣後漢房山縣在西北俗名曰王母山上有西王母祠
行唐漢舊

縣游水
所出

博陵郡東至河間府二百八里南至趙郡三百一十七里西至常山郡一百二十四里北至安邊郡四

百九十里東南到饒陽郡一百七十里西南到常山
郡一百二十里西北到常山郡行唐縣七十里東北
到文安郡二百五十里去西京二千一百里去東京
一千二百里戶七萬六千六百口四十七萬七千二
六百

定州今理安喜縣
帝堯始封唐國之地戰國初為中山國後

為魏所并後又屬趙秦為上谷鉅鹿二郡之地漢高帝

置中山郡

中山記曰城中
有山故曰中山

景帝改為中山國後漢因之

晉亦不改後燕慕容垂移都於此

都中山置中山郡至
慕容寶為後魏所陷

北岳常山在焉後魏為中山郡兼置安州道武帝改為

定州後周置總管府領鮮虞郡隋初郡廢煬帝初置博

陵郡後改為高陽郡大唐為定州或為博陵郡領縣十

一 安喜

古中山鮮虞地漢盧奴縣有盧
水水黑曰盧不流曰奴因名焉

北平

秦曲逆
縣漢為

蒲陰縣蒲水所出在今縣西北

鼓城

春秋鼓子國也漢臨平縣故城
在東南又有漢下曲陽縣在西

常

陽漢上曲陽縣也常山在縣北一百四十里常水所出新樂春秋時鮮虞國漢新市縣地蓋堯帝始封

之唐國也義豐漢安國縣又有漢解瀆亭在今縣東北望都漢舊縣堯始封於此堯山在北堯母

慶都山在南有中人亭左人亭即今縣地也倒馬故關在縣西北極險要也無極漢舊縣唐昌

漢石臼河又西北有故關涇縣又有中山故城在縣東北有漢關邑城即漢關縣深澤漢南深澤縣

涇邑

河間郡

東至景城郡二百里南至信都郡二百三十里西至博陵郡二百八里北至文安郡一百八里

東南到景城郡弓高縣一百四十七里西南到饒陽郡一百五十里西北到上谷郡二十里東北到景

城郡魯城縣二百五十七里去西京二千二百十里去東京一千三百四十里戶九萬五千二百四十口

六十四萬二千
五百二十二

瀛州

今理河間縣

春秋時屬晉七國時屬趙秦上谷郡之地

漢屬涿郡後為河間國後漢及晉因之後魏為河間郡

孝文帝分置瀛州隋初廢河間郡置瀛州煬帝初州廢

復置河間郡大唐因之領縣六

河間

漢州鄉縣後漢改武垣縣漢武

帝得鈞弋夫人於此博野 漢博陵郡後徙安平又有漢蠡吾縣故城在今縣西蠡音禮

東城 漢舊

縣後魏樂壽 漢曰樂城縣故城在今縣西北漢又曰中水縣居兩河之間故曰中水

高陽

漢舊縣後置高陽郡有易水

平舒

晉置章武郡

文安郡

東至闕里西至上谷郡

露山一百七十里北至范陽郡里南至河間郡一百八

二百八十里東南到景城郡二百六十里西南到博

陵郡二百五十里西北到上谷郡一百八十五里東

北到北平郡八百里去西京二千三百一十里去東

京一千四百四十四里戶五萬五百十口三十二萬

六千四百

百五十

莫州

今理鄭縣

其地歷代所屬與瀛州同大唐景雲二年分

瀛州置鄭州開元十年改鄭為莫其後或為文安郡領

縣六

鄭漢舊縣

清苑

漢樂鄉縣漢高帝過趙封樂毅之後樂巨叔於此

任丘

有狐

狸淀淀

文安漢舊縣故城在東北

長豐 唐興

饒陽郡

東至景城郡三百十五里南至魏郡五百里西至常山郡百八十里北至上谷郡三百里東南

到信都郡一百三十里西南到趙郡一百九十里西北到博陵郡一百七十里東北到河間郡一百五十里去西京二千五百里去東京一千二百五十里戶四萬八千八百五十八口三十四萬六千四百七十一

深州

今理饒陽縣

戰國時屬趙秦為上谷鉅鹿二郡地漢為

涿郡地後漢屬安平國桓帝以後為博陵郡晉為博陵國後魏為博陵郡北齊亦同隋初郡廢置深州煬帝初州廢以其地分入博陵河間二郡大唐復置深州或為

饒陽郡領縣四

饒陽

漢舊縣有燕萑亭在此又有古博陵城饒陽城滹沱河舊在縣

南即光武所渡魏武王因饒河故瀆法今北注新溝所以在今縣北萑力俱反

安平

漢舊縣

鹿城

漢貫縣城在西南又有漢鄆城在東衡漳水今名衡水亦名苦水西南自趙郡寧晉縣界流入貫音時夜反鄆

音苦

陸澤

禹貢大陸堯反澤在此

上谷郡

東至范陽郡二百一十四里南至文安郡一百八十里西至安邊郡飛狐縣一百四十里北至

媯川郡懷戒縣南界廢固城鎮闕

東南到文

安郡一百八十里西南到博陵郡北平縣一百四十

里西北到安邊郡二百二十里東北到范陽郡良鄉縣界八十里去西京二千一百九十七里去東京一

千四百六十二里戶四萬四千九

百十二口二十四萬五千八百七

易州今理易縣春秋至戰國屬燕秦置上谷郡晉書曰在谷之上頭故曰

上谷漢屬涿郡後漢因之晉為范陽國後魏亦為上谷郡

隋初置昌黎郡後兼置易州煬帝初州廢置上谷郡大

唐因之領縣八 易漢故安縣故城在今縣南有涑易

范陽縣故城 在縣東南 遂城古遂武也秦築 涑水漢之道縣道即由反 容城

漢舊 滿城 五迴 樓亭 坂城

范陽郡 東至漁陽郡二百十里南至文安郡二百八十里西至上谷郡一百十四里北至媯川郡二百

十里東南到

關 里西北到

里西南到

里東北到

歸化郡八十里去西京二千五百二十三里去東京一千六百八十里戶七萬九百六十三十九萬五百

八十

幽州

今理薊縣

古之幽州蓋舜分冀州為之置十二牧則其

一也言北方太陰故以幽冥為號

幽州因幽都山以為名也山海經有幽都

山今列北荒矣

昔顓頊都於帝丘其地北至幽陵即此殷復省

幽州入冀州周禮職方曰東北曰幽州其山曰醫無閭

山在遼東今於柳城郡東置祠遥禮

藪曰獫狁

獫狁澤在今東萊郡昌陽縣界

川曰河泲

河在滄州無棣縣界舊泲合在今北海郡博昌縣界今無泲即濟水

浸曰菑時

菑在今淄川郡淄川

縣界時在今北其利魚鹽民一男三女畜宜四擾馬牛

也穀宜三種黍稷初武王定殷封召公奭於燕及秦滅

稻

燕以其地為漁陽上谷右北平遼西遼東五郡漢高帝

分上谷郡置涿郡武帝置十三州此為幽州領郡十其後

開東邊置元菟樂浪等郡亦皆屬焉元菟樂浪等郡並今遼水之東宜在

禹貢青州之地後改燕國曰廣陽郡後漢置幽州並因前代理

縣晉亦置幽州領郡國七理於晉亂陷於石勒慕容儁

苻堅後入於魏其後分割不可詳也今之幽州謂范陽郡古

涿鹿也

應劭曰黃帝與蚩尤戰於涿鹿是也

即燕國之都焉謂之渤海之

間亦一都會也

薊縣燕之所都渤海郡碣石也

秦為上谷郡之地漢

高帝分置燕國後又分燕置涿郡及廣陽國有獨鹿鳴

澤

獨鹿山名鳴澤澤名皆在於此

後漢為涿廣陽二郡地魏更名范陽

郡晉為燕范陽二國兼置幽州

領郡國七理於此

慕容儁嘗都

之後魏置幽州北齊置東北道行臺後周置燕范陽二

郡隋初並廢煬帝初併置涿郡大唐為幽州或為范陽

郡領縣十一

薊

燕國都碣石宮漢為薊縣舊置燕都有桑乾水慕容儁都於此

歸義

漢易縣也公孫瓚於此築城名曰易京後漢史曰瓚修營壘樓觀臨易河通遼海以鐵為門乃曰兵法云百樓

不攻今吾諸營樓櫓千重積穀三百萬斛足以待天下之變為袁紹所破後石季龍征慕容儁廻惡其固而毀

之在今縣南十八里又有巨馬水范陽漢涿縣在范水之陽漢涿郡故城亦在此又有漢廣陽國城亦

在西南有督亢陂溉田膏安次漢舊縣也昌平

漢舊縣故城在今縣東南古居庸關在縣西北齊改為納疑淮南子云天下九塞居庸是其一也舊置東燕州

潞漢舊縣有潞河漢平谷縣故城在今永清舊會昌縣

縣北又有漢安樂縣故城在西北天寶中改

馬良鄉漢舊武清廣寧

順義郡置在范陽郡內去西京及四至四到並與范陽郡同戶五千七百一十八口一萬八千五百五十

順州

理賓義縣

在范陽郡城大唐天寶初置尋又改為順義

歸化二郡領縣一 賓義

歸化郡

東至漁陽郡二百十五里南至范陽郡八十里西至媯川郡二百里北至密雲郡七十里東南

到漁陽郡二百十里西南到范陽郡八十里西北到

陶

里東北到密雲郡七十里去西

京二千七百里去東京一千八百五十里戶八百七十七口三千三百六十九

順州之北境

理懷柔縣

天寶初置歸化郡與順義郡同領縣

一 懷柔

歸德郡

東至密雲郡八十里南至范陽郡九十里西至范陽郡昌平縣五十里北至山五里東南到後

魏廢易京城四十里西南到芹城五里西北到乾河
山五里東北到宋城鎮二十五里去西京二千一百
六十三里去東京一千八百七十六里戶二
千二百四十六口一萬一千五百九十一

燕州秦上谷郡地歷代土地與范陽郡同隋文帝時粟
末靺鞨有厥稽部渠長率數千人舉部落內附處之柳
城燕郡之北煬帝為置遼西郡以取秦漢遼西之名也
統遼西懷遠壚河三縣大唐為燕州或為歸德郡領縣
一 遼西

媯川郡

東至密雲郡二百十里南至范陽郡二百里西
至安邊郡二百二十九里北至張說新築長城

九十里東南到范陽郡一百五十里西南到安邊郡
四百四十里西北到新長城為界三百八十里東北
到長城界七十八里去西京二千九百五十里去東
京一千九百九十里二千三百九十口一萬五百四十

媯州

今理懷
戎縣

春秋戰國並屬燕秦為上谷郡地二漢因

之晉屬廣甯郡後魏孝明帝廢北齊置北燕郡隋屬涿
郡大唐武德七年討平高開道後置北燕州貞觀八年

改為媯州其後或為媯川郡領縣二

懷戎

漢潘縣地
漢上谷郡

城在此有涿鹿山及蚩尤城阪泉地及涿水羹頡山涿
泉鳴鷄山本名磨笄山趙襄子滅代其姊磨笄自殺因
為名代人憐之立祠有羣鷄鳴於祠上故名鳴鷄山史
記云燕築長城自造陽至襄平遼陽即此漢武破匈奴

取河南地棄上谷之斗僻縣造陽地以與胡韋昭云在上谷晉太康地志又云在五原塞之北疑太康志誤

媯川

漁陽郡

東至北平郡三百里南至三會海口一百八十里西至范陽郡二百十里北至慶長城塞二百

三十五里東南到北平郡石城縣一百八十五里西南到范陽郡安次縣界一百二十五里西北到密雲郡二百一十七里東北到北平郡石城縣界廢盧龍城二百里去西京二千八百二十里去東京二千二十里戶四千二百二十九口二萬五千四百八十七

蓟州

今理漁陽縣

戰國時屬燕秦置漁陽郡二漢因之隋文

帝徙元州於此并立總管府煬帝初廢置漁陽郡大唐

屬幽州開元十八年析幽州置薊州或為漁陽郡領縣

三

漁陽

漢舊縣有鮑丘水又名潞水古北戎無終子國也一名山戎凡三名七國時屬燕燕後漢

為右北平郡

三河

玉田

密雲郡

東至漁陽郡二百七十里南至范陽郡潞縣界五十五里西至范陽郡昌平縣界一百三十里

北至長城四十五里東南到范陽郡三河縣七十五里西南到范陽郡昌平縣七十里西北到長濃水鎮四十五里東北到長城障塞一百十里去西京二千六百八十里去東京一千八百四十五里戶六千一百三十八口三萬一千六百三十七

檀州

今理密雲縣

春秋及戰國並為燕地秦漢並屬漁陽郡

後魏置密雲郡兼置安州後周改安州為元州隋徙元

州於漁陽

今漁陽郡

尋復於今郡置檀州煬帝初置安樂郡

大唐為檀州或為密雲郡領縣二

密雲

有潞水自塞外流入

燕

樂

後魏置廣陽郡有長城

北平郡

東至柳城郡七百里南至海一百里西至漁陽郡三百里北至塞百八十里東南到臨榆關一

百八十里西南到馬城縣一百八十里西北到石城縣一百四十里東北到柳城郡七百里去西京四千三百二十里去東京三千五百二十里

戶三千三十一口一萬三千七百七十

平州

今理盧龍縣

殷時孤竹國春秋山戎肥子二國地也

今盧

龍縣有古孤竹城
伯夷叔齊之國也
戰國時屬燕秦為右北平及遼西二

郡之境二漢因之晉屬遼西郡後魏亦曰遼西郡隋初

置平州煬帝初州廢復置北平郡大唐因之領縣三

盧龍漢肥如縣有碣石山碣然而立在海旁故名之晉太康地志同秦築長城所起自碣石在今高麗舊

界非此碣石也漢遼西郡故城在今郡東又有漢令支縣城臨閭關今名臨榆關在縣城東一百八十里盧龍

塞在城西
北二百里
石城漢舊馬城

柳城郡東至遼河四百八十里南至海二百六十里西至北平郡二百里北至契丹界五十里東南到

安東府二百七十里西南到北平郡三百七十里西北到契丹界七十里東北到契丹界九十里契丹衙

帳四百里去西京三千里去東京四千一百一十里戶八百七十四口三千

營州

今理柳城縣

殷時為孤竹國地

漢徒河縣之青山在郡城東百九十里棘城即

顛項之墟在郡城東南百七十里

春秋時地屬山戎戰國時屬燕秦并

天下屬遼西郡二漢及晉皆因之慕容皝以柳城之北

龍山之南所謂福德之地也乃營制宮廟改柳城為龍

城遂遷都龍城號新宮曰和龍宮

皝時有黑龍白龍各一鬪於龍山皝率屬

僚觀之祭以太牢二龍交首嬉戲解角而去皝大悅號和龍宮

後燕慕容寶北燕馮跋


相繼都之

至慕容雲為馮跋所滅至馮弘為後魏所滅也

後魏置營州後周武

帝平齊其地猶為高寶寧所據隋文帝時討平寶寧復
以其地為營州煬帝初州廢置遼西郡大唐復為營州
或為柳城郡領縣一 柳城有龍山鮮卑山在縣東南
二百里棘城之東塞外亦
有鮮卑山在遼西之北一百里未詳孰是青山石門山
白狼山白狼水又有漢扶黎縣故城在東南其龍山即
慕容皝祭龍所也有饒樂水漢故徒河縣城和龍城室
韋鞞鞞諸部並在東北遠者六千里近者二千餘里西
北與奚接北
與契丹相接

通典卷一百七十八



總校官庶吉士臣侍朝

校對官編修臣莫瞻業

騰錄監生臣沈牲